

四庫全書

經部

欽定四庫全書

經部

言經大全卷八

詳校官給事中臣王鍾健

通政使司副使臣莫瞻菴覆勘

總校官檢討臣何思鈞

校對官中書臣葉蘭

謄錄監生臣陳春熙

欽定四庫全書

書經大全卷八

明 胡廣等 撰

召誥

左傳曰武王克商遷九鼎于洛邑史記載武王

言我南望三途

山名

北望嶽鄙

太行山下都鄙之地

顧詹有

河粵詹洛伊毋遠天室營周居于洛邑而後去

則宅洛者武王之志周公成王成之召公實先

經理之洛邑既成成王始政召公因周公之歸

作書致告達之於王其書拳拳於歷年之久近

反復

音腹

乎夏商之廢興究其歸則以誠

音咸

小民

為祈天命之本以疾敬德為誠小民之本一篇

之中屢致意焉古之大臣其為去聲國家長遠慮

蓋如此以召公之書因以召誥名篇今文古文

皆有

問周誥辭語艱澀如何看朱子曰此等是不可曉林文說艾軒以為方言曰只是古

語如此切意當時風俗恁地說話人便都曉得如這物事喚做這物事今風俗不喚做這物事

便曉不得如蔡仲之命君牙等篇乃當時與士大夫語似今翰林所作制誥之文故甚易曉如誥是與民語乃今官司行移曉諭文字有帶時語在其中今但曉其可曉者不可曉處則闕之可也如詩景員維河上下文皆易曉却此一句不可曉又如三壽作朋三壽是何物歐陽記古語亦有三壽之說想當時自有此般說話人都曉得只是今不可曉王氏曰洛者天下之中以天事言則日東景夕多風日西景朝多陰日南景短多暑日北景長多寒以人事言則四方朝聘貢賦道理均焉非特如此而已懲三監之難必殷頑民遷以自近洛距妹邦為近則易使之遷作王都焉則易以鎮服也雖然鎬京宗廟社稷官府宮室具在不可遷也故於洛邑會諸侯而已陳氏大猷曰成王實都鎬京特往來朝諸侯祀清廟於洛故鎬京謂之宗周以其為

天下所宗也洛邑謂之東都又謂之成周以周
道成於此也洛邑天下之至中豐鎬天下之至
險成王于洛邑定鼎以朝諸侯所以承天地沖
和之氣宅土中以莅四海其示天下也公於鎬
京定都以壯基本所以據天下形勝處上游以
制六合其慮天下也遠漢唐並建兩京蓋亦識
形勢之所在而有得於成王周公之遺意歟
林氏曰曰自后稷始封於郃在漢右扶風郿縣
夏后政衰稷之子不窋出奔於戎狄之間至孫
公劉始立國於豳在枸邑豳鄉十世至太王避
狄人遷於岐山之下在美陽縣岐山文王遷於
豐在鄠縣東豐水武王遷于鎬在長安西南昆
明池所謂鎬池也岐在郃西北無百里豳又在
岐西北四百餘里豐在岐山東南一百餘里鎬
在豐東二十五里新安陳氏曰宅洛之事武
王志之成王述之上告祖廟迭咨大臣一日而

建千萬年宅中圖大之基謹重如此以至召
公因周公之歸而作誥以告王序不及之何也
宅中圖大固難保大定功尤難王之在豐召之
相宅固見宅中圖大之難矣召公拳拳以敬德
承命戒王敬不敬之異效凡七言之至謂不敬
德則必墜厥命其辭甚危見保大定功之尤難
也

惟二月既望越六日乙未王朝步自周則至于豐

日月相望謂之望既望十六日也乙未二十一日也

周鎬京也去豐二十五里文武廟在焉成王至豐以

宅洛之事告廟也

朱子曰豐鎬去洛邑三百里長安
所管六百里王畿千里亦有橫長

處非若今世畫圖之為方也恐井田之制亦是此類此不可執畫方之圖以定之或問周都豐鎬則王畿之內當有西北之戎如此則稍甸縣都如之何其可為也曰周禮一書聖人作為一代之法爾到不可用法處聖人須別有權變之道王氏曰肅聖明

魄紀月以甲子紀日書法也

林氏曰漢志曰周公

攝政七年二月乙亥朔庚寅既望

惟太保先周公相

去聲

宅越若來三月惟丙午肅

音

越三

日戊申太保朝至于洛卜宅厥既得卜則經營

成王在豐使召公先周公行相視洛邑越若來古語

辭言召公於豐迺遷

上移爾反下力止反

而來也肅孟康曰月

出也三日明生之名戊申三月五日也卜宅者用龜

卜宅都之地既得吉卜則經營規度其城郭宗廟郊

社朝

音

市之位

林氏曰漢志曰三月甲辰朔三日丙午

越三日庚戌太保乃以庶殷攻位于洛汭越五日甲寅

位成

庶殷殷之衆庶也用庶殷者意是時殷民已遷于洛

故就役之也位成者左祖右社前朝後市之位成也

唐孔氏曰庚戌三月七日甲寅三月十一日葉氏曰攻位者闢荆棘平高下以定所經營之位也庶殷

所遷殷民也。讐民為役，則友民可知。林氏曰：盤庚之遷，毫太王之遷，岐衛文王遷楚丘，未嘗不卜。然君臣既有定議，故至洛乃卜。洪範所以先乃心、卿士庶民而後卜筮也。太王聿來胥宇而後爰契我龜，衛文望楚與堂而後卜，云其吉，皆此類也。臨川吳氏曰：召公之攻位，但用殷民不用周民，何也？蓋洛邑畿內之民，不征其力，諸侯四方之民又未至洛，惟殷民遷在洛者，可役而攻位之攻力亦省，且易故也。

若翼日乙卯，周公朝至于洛，則達觀于新邑營。

周公至則徧觀新邑所經營之位。

唐孔氏曰：乙卯，十日也。蘇氏曰：

按後篇是日再卜。呂氏曰：召公已成位，周公方來觀上相之體，然也。

越三日丁巳，用牲于郊，牛二。越翼日戊午，乃社于新邑。

牛一羊一豕一

郊祭天地也故用二牛社祭用太牢禮也皆告以營

洛之事

唐孔氏曰丁巳十四日也戊午十五日也
呂氏曰郊祭天社祭地孔氏曰社稷其牢

邑者郊在國外社在國內故也
馬氏曰言社則稷在其中陳氏經曰郊不曰新

為誠於卑以豐為貴故郊特牲而社稷太牢先祭告
於郊社然後用工陳氏大猷曰此蓋即洛邑新立

之郊社以告作洛於天地不告廟者在豐已告也
時洛邑宗廟未成故至十二月始烝祭宗廟也

越七日甲子周公乃朝用書命庶殷侯甸男邦伯

書役書也春秋傳曰士彌牟

晉大夫名營成周計文數揣

高低度厚薄仞溝洫物土方議遠邇量事期計徒庸
慮材用書糗糧以令役於諸侯亦此意王氏曰邦伯
者侯甸男服之邦伯也庶邦冢君咸在而獨命邦伯
者公以書命邦伯而邦伯以公命諸侯也唐孔氏曰甲子二十一日也書賦功屬役之書也侯甸男服之邦伯不偏舉五服者文略耳邦伯州牧也葉氏曰不及采衛者不以遠役衆也

厥既命殷庶庶殷丕作

丕作者言皆趨事赴功也殷之頑民若未易役使者

然召公率以攻位而位成周公用以書命而不作殷

民之難化者猶且如此則其悅以使民可知也

陳氏大猷

曰獨言庶殷丕作則諸侯可知 林氏曰召公營洛自戊申至甲寅七日而成周公繼至自乙卯距甲子

十日而用書庶殷丕作周召之規模其敏如此總而計之自成王至豐距甲子凡一月耳萬年之業成於

一月之間此豈後世可及哉 新安陳氏曰觀此則殷民之遷在未作洛之前明矣 讀此當參看洛誥洛

誥曰予惟乙卯朝至于洛師此云乙卯周公朝至于洛其日同但洛誥言是日再卜此不言者周公之吉

卜不殊召公之吉卜也兼洛誥自詳之此可略也乙卯至甲子十日乙卯日卜及達觀新營丙辰不言事

蓋丁巳戊午將行郊社大禮前一日養精神以無為也已未至癸亥五日又不言事乃將用書命丕作竭

精神以有為也此五日中必會集臣庶計丈數揣高卑等事後書一定然後甲子朝頒布之洛誥脫簡之在康誥者曰惟三月哉生魄周公初基至乃洪大誥治即是三月十六日巳未戊午祭社後一日也曰洪大誥治即用書命丕作也細而考之昭合無間誰謂殘編斷簡不可見聖人經理之微密哉

大保乃以庶邦冢君出取弊乃復入錫周公曰拜手稽首旅王若公誥告庶殷越自乃御事

呂氏曰洛邑事畢周公將歸宗周召公因陳戒成王乃取諸侯贄見幣物以與周公且言其拜手稽首所以陳王及公之意蓋召公雖與周公言乃欲周公聯

諸侯之幣與召公之誥併達之王謂洛邑已定欲誥告殷民其根本乃自爾御事不敢指言成王謂之御

事猶今稱人為執事也

問據召誥文只說召公先至洛而周公繼至不說成王亦

來也然召公出取幣入錫周公乃曰旅王若公其辭又多多是戒成王未知如何朱子曰此蓋因周公以告

于王耳王氏曰庶邦冢君諸侯會于洛者洛邑成而獻幣所以為禮且致慶也新安陳氏曰作洛之

急務在化殷人而化殷之大本在於王身下文遂詳言之此召公納忠之大者弊特恭敬之寓焉耳取幣

獨言庶邦而不及庶殷者蓋用書命丕作無間於庶殷而取幣陳王不及庶殷歟篇末奉弊供王即此出

取之弊前
後相照應

嗚呼皇天上帝改厥元子茲大國殷之命惟王受命無疆惟休亦無疆惟恤嗚呼曷其奈何弗敬

此下皆告成王之辭託周公達之王也曷何也其語辭商受嗣天位為元子矣元子不可改而天改之大國未易亡而天亡之皇天上帝其命之不可恃如此今王受命固有無窮之美然亦有無窮之憂於是歎息言王曷其奈何弗敬乎蓋深言不可以弗敬也又按此篇專主敬言敬則誠實無妄視聽言動一循乎

理好惡

立去聲

用捨不違乎天與天同德固能受天明

命也人君保有天命其有要於此哉伊尹亦言皇天

無親克敬惟親敬則天與我一矣尚何疎之有

朱子曰此

數句者一篇之大旨也元子者天之元子也下文至篇終反覆推衍此數句意耳呂氏曰人君代天作

子是為天之長子西山真氏曰大明詩云天位殷適使不挾四方亦改厥元子大國殷命之意新安

陳氏曰此元子字當與下文元子哉對觀元子天之元子即大君者吾父母宗子之意此元子謂殷紂後

元子謂成王天命靡常人君所以保天命惟有敬耳昔殷元子嘗受天命矣天竟改其命而王受之固有無窮之美然今日之受安知不為他日之改是亦有無窮之憂也何可以不敬哉此一節始曰嗚呼末又

曰嗚呼元老大臣拳拳忠愛嗟嘆以深警上心不能自己之至情也

天既遐終大邦殷之命茲殷多先哲王在天越厥後王後民茲服厥命厥終智藏瘝在夫知保抱攜持厥婦子以哀籲音諭天徂厥亡出執嗚呼天亦哀于四方民其眷命用懋王其疾敬德

後王後民指受也此章語多難解大意謂天既欲遠絕大邦殷之命矣而此殷先哲王其精爽在天宜若可恃者而商紂受命卒致賢智者退藏病民者在位

民困虐政保抱攜持其妻子哀號

平聲

呼去聲

天往而逃

亡出見拘執無地自容故天亦哀民而眷命用歸於

勉德者天命不常如此今王其可不疾敬德乎

孔氏曰殷

多先哲王精神在天不能救者以紂不行敬故

漢

上朱氏曰人之死各反其根體魄陰也故降而在下

魂氣陽也故升而在上則無不之矣衆人物欲蔽之

故魂散而氣不能升惟聖人清明在躬志氣如神故

其死也精神在天與天為一新安陳氏曰疾敬德者更

無等待遲疑只今便下手

舊經大全

九

則莊敬日強而能敬苟悠悠玩怠則安肆日偷而不能敬矣後又言肆惟王其疾敬德一篇綱領在敬字而敬之工夫又在疾字

相

去聲下同

古先民有夏天迪從子保面稽天若今時既墜

厥命今相有殷天迪格保面稽天若今時既墜厥命

從子保者從其子而保之謂禹傳之子也面鄉音向也

視古先民有夏天固啟迪之又從其子而保佑之禹

亦面考天心敬順無違宜若可為後世憑藉者今時

已墜厥命矣今視有殷天固啟迪之又使其格正夏

命而保佑之湯亦面考天心敬順無違宜亦可為後

世憑藉者今時已墜厥命矣以此知天命誠不可恃

以為安也

朱子曰此一節間有不可曉處新安陳氏曰從其子而保之即孟子天與子則與

子之意開萬世傳子之端自禹始故於夏言從子保而於商只言格保蒙上文也兩面稽天若即對越在

天之意此一節蓋謂天與祖宗皆不可恃也

今冲子嗣則無遺壽考曰其稽我古人之德矧曰其有能稽謀自天

稽考矧況也幼冲之主於老成之臣尤易疎遠故召

公言今王以童子嗣位不可遺棄老成言其能稽古
人之德是固不可遺也況言其能稽謀自天是尤不
可遺也稽古人之德則於事有所證稽謀自天則於
理無所遺無遺壽考蓋君天下者之要務故召公特
首言之

朱子曰已陳夏商敬德墜命之所由又戒王
新安陳氏曰老成知古又能知天所賴

以稽古道天道幸有壽考如太公周畢諸公在不
可遺也稽考古德非壽考者聞見之遠無所質稽考天
意以定謀慮非壽考者
德盛智明不能決也

嗚呼有王雖小元子哉其不能誠于小民今休王不敢

後用顧畏于民

音巖

召公歎息言王雖幼冲乃天之元子哉謂其年雖小其任則大也其者期之辭也誠和暑險也王其大能誠和小民為今之休美乎小民雖至微而至為可畏

王當不敢緩於敬德用顧畏于民之暑險可也

蘇氏曰民

猶水也水能載舟亦能覆舟物無險於民者矣新安陳氏曰誠於小民而今休矣猶欲王汲汲於畏民暑者蓋民之暑險可畏常伏於太和盛美之中恃其已和且美而不回顧却慮以畏之則福兮禍所伏矣此所以為險也是以莊生曰人心險於山川

王來紹上帝自服于土中旦曰其作大邑其自時配皇

天

音秘

祀于上下其自時中又王厥有成命治民今休

洛邑天地之中故謂之土中王來洛邑繼天出治當

自服行於土中是時洛邑告成成王始政故召公以

自服土中為言又舉周公嘗言作此大邑自是可以

對越上天可以饗答神祇自是可以宅中圖治成命

者天之成命也成王而能紹上帝服土中則庶幾天

有成命治民今即休美矣 王氏曰成王欲宅洛邑

者以天事言則日東景

音影

夕多陽日西景朝多陰日

南景短多暑日北景長多寒洛天地之中風雨之所

會陰陽之所和也以人事言則四方朝聘貢賦道里

均焉故謂之土中

朱子曰言王來居洛邑繼天為治服事也土中洛邑為天下中也林

氏以此此句王來為王亦至洛邑之驗恐未必然但王命來此定邑耳

稱周公言當作大邑而自此以祀

上帝以及慎祀上下神祇又自此居中以為治則是王受天成命以治民矣蓋召公述周公宅洛之意

陳氏大猷曰君前臣名故稱旦曰又舉周公之言以告謂今作大邑其自是而配天使仰無愧於天自是

而祀祀上下使幽無愧於鬼神自是而宅中為治使俯無愧於民王其有成命而治民今休可也周公所

期如此之重王可不思所以稱之新安陳氏曰作洛之事召公任之而未嘗明言之至此方言服于土中而舉周公之言以見作洛所以配上帝奉祭祀成治功凝天命其重如此蓋下文將自進其敬德祈天之忠言所以先引周公期望之語以開其端也陳氏雅言曰是時召公知成王已有退辟于周之意故言此以勸勉之也活動之意全在來字

王先服殷御事比

音介

于我有周御事節性惟日其邁

言治人當先服乎臣也王先服殷之御事以親近副

貳我周之御事使其漸

音染

陶成相觀為善以節其

驕淫之性則日進於善而不已矣

王敬作所不可不敬德

言化臣必謹乎身也所處所也猶所其無逸之所王能以敬為所則動靜語默出入起居無往而不居敬

矣不可不敬德者甚言德之不可不敬也

朱子曰王敬作所不

可不敬德只是一句

召誥中其初說許多言語艱

深難曉却緊要處只是惟王不可不敬德而已
氏曰周遷殷頑民于洛蓋與洛之舊民雜居其善惡之習不同非有以和一之不能相安以處故必有以服殷御事使之親比介助於周之御事然後可蓋周御事習於教令無事於服之故以服殷御事為先也然服殷御事在節其性而已蓋人性無不善殷人特化紂之惡是以不義之習遂與性成而忘反耳上之

人有以節之使日進於善則於周民亦何異哉然欲
節民之性又在王之所化故王又當以敬為所不可
不敬德以率之非政刑所及也陳氏大猷曰既以
周臣率之使之相觀而善又以身率之使之下觀而
化也新安陳氏曰王敬作所不可不敬德朱子本
孔氏只作一句說蔡氏以所字為句作兩句說真氏
筆記亦以蔡為長然蔡說實自呂氏所其無逸之所
發之殷人汚於舊染而其性流今欲節之而使其性
復亦惟化之以敬德爾敬者一身之主宰性即心所
具之理也敬則此心收斂於天理之中而性可節不
敬則此心放縱於人欲之偽而性日流日其邁即上
達反天理而日進乎高明之意也謂之不可不敬蓋
敬者人心所常然而不可不然者非有所勉強而然
如饑食渴飲之常無所為而為者也如能如是則敬盡
於此而人化於彼矣

我不可不監于有夏亦不可不監于有殷我不敢知曰
有夏服天命惟有歷年我不敢知曰不其延惟不敬厥
德乃早墜厥命我不敢知曰有殷受天命惟有歷年我
不敢知曰不其延惟不敬厥德乃早墜厥命

夏商歷年長短所不敢知我所知者惟不敬厥德即
墜其命也與上章相古先民之意相為出入但上章
主言天眷之不足恃此則直言不敬德即墜厥命爾

林氏曰古人於天命不以為必有不以為必無故召
公於歷年不其延皆不敢知者疑之也至於敬德則

有歷年不敬德則墜
厥命蓋無可疑者

今王嗣受厥命我亦惟茲二國命嗣若功王乃初服

今王繼受天命我謂亦惟此夏商之命當嗣其有功

者謂繼其能敬德而歷年者也況王乃新邑初政服

行教化之始乎

陳氏大猷曰此章言尤懇切新安陳氏曰王乃初服者善始可以占終

法二國之敬德而歷年尤當謹之初服也此句呂蔡以屬上章孔朱真陳以冠下章使與初生初服宅新邑為一套語亦通但此句實結上生下若生子一段議論實因此句而申明之

嗚呼若生子罔不在厥初生自貽哲命今天其命哲命

吉凶命歷年知今我初服

歎息言王之初服若生子無不在於初生習為善則善矣自貽其哲命為政之道亦猶是也今天其命王

以哲乎命以吉凶乎命以歷年乎皆不可知所可知

者今我初服如何爾初服而敬德則亦自貽哲命而

吉與歷年矣

呂氏曰人自初生而保養乃可以全其善哲命者人心所有之明哲非自外求

也 林氏曰天以正性命人初無智愚之別所以有智愚者於已取之而已下愚為自暴自棄則上智豈

非自貽乎 葉氏曰哲命以哲為天所命也新安陳氏曰按呂林皆以哲命為性命之命然哲命之哲

不應遽有性命眷命之分當以葉氏之說為正

宅新邑肆惟王其疾敬德王其德之用祈天永命

宅新邑所謂初服也王其疾敬德容可緩乎王其德

之用而祈天以歷年也

朱子曰王之初服不可不慎其習猶子之初生不可不慎

其初所教蓋習於上則智習于下則愚矣故今天命正在初服之時敬德則哲則吉則歷年不敬則愚則

凶則短折也

天無一物之不體已知我初服宅洛

矣王其可不疾

敬德哉所以求天永命者只在德而

已矣陳氏曰自貽哲命命在我也天其哲命命在天也西山真氏曰天命至公不可以求而得也曰

祈者蓋一於用德乃不祈之祈也呂氏曰祈永命無他術惟敬德為可耳曰祈者欲王知天命之未定

也 新安陳氏曰明哲之性與生俱生初生之時習於善則明可作哲習於惡則靡哲不愚哲則為天所命愚則天不命焉是自貽哲命如所謂自求多福此所謂無不在其初生時自貽哲命者王之初服亦猶是也此一節發明王乃初服之意蓋今日作邑而自服土中乃所謂初服是又中天下定四海之一初也天之命吉凶判於此召公所以欲王乘此一初之機而疾敬德也判於此召公所以欲王乘此一初之機而疾敬德也疾敬德則能用德疾云者欲其乘此機而速勉之有今罔後之謂也疾敬德者勿失此機於今日之初而能用德以祈天者可永命於千萬年之久今此一初豈可又以悠悠失之哉肆惟王其疾敬德蓋申上文王其疾敬德之語而致重復懇切之意云

其惟王勿以小民淫用非彝亦敢殄戮用人民若有功

刑者德之反疾於敬德則當緩於用刑勿以小民過用非法之故亦敢於殄戮用治之也惟順導民則可有功民猶水也水泛濫橫流失其性矣然壅而過之則害愈甚惟順而導之則可以成功

其惟王位在德元小民乃惟刑用于天下越王顯

元首也居天下之上必有首天下之德王位在德元

則小民皆儀刑用德于下於王之德益以顯矣

朱子曰其

惟王勿以小民至越王顯為一節蘇氏曰商俗靡靡其過用非常也久矣召公戒王勿以小民過用非

常之故亦敢於法外殄戮以治之蓋民之有過罪實
在我及其有功則王亦有德何也王之位民德之先
倡也如此則法行於天下而王亦顯矣陳氏大猷
曰順夏商之有功者猶上言嗣若功王位不在於位
也順民惟在德元而已德元亦猶乾元坤元之始生
萬物者也呂氏曰以小民淫用非彛而敢於殄戮
忿嫉一生則損君德矣人君之德止於好生元者善
之長君以德元覆冒天下安可以小民淫用遂損君
德新安陳氏曰至此則非彛之小民化為用德之
小民正所謂若順導之而有功者王奚以尚刑不尚
哉德為

上下勤恤其曰我受天命丕若有夏歷年式勿替有殷
歷年欲王以小民受天永命

其亦期之辭也君臣勤勞期曰我受天命大如有夏
歷年用勿替有殷歷年欲兼夏殷歷年之永也召公
又繼以欲王以小民受天永命蓋以小民者勤恤之
實受天永命者歷年之實也蘇氏曰君臣一心以勤
恤民庶幾王受命歷年如夏商且以民心為天命也

朱子曰以小民如以某師之以林氏曰王能敬德
于上而小民儀刑于下則天永命之矣所謂用小民
以受天永命也呂氏曰召公拳拳言小民者國之
根本全在小民其亡其亡不在大族不在諸侯止在
小民之身陳氏曰小民人所易忽澤及小民則無
不及矣堯之不虐無告文王之施仁先四者是也

新安陳氏曰勤恤即無疆惟恤之恤上下勤勞以軫無疆之恤惟期於兼二代之歷年非他有以也惟欲王以小民受永命耳三節三言小民始戒王以非彘殄戮之繼欲以元德儀刑之末欲以之而受永命以之者何惟尚德不尚刑知其生雖至微而闕於天命者至大至久也西山真氏曰前言王其德之用祈天永命此言欲王以小民受天永命蓋永命之道無他惟修德與愛民而已命在天於小民何與蓋天無心以民為心耳一篇之中言敬者凡七八曰曷其奈何弗敬曰王敬作所曰不可不敬德曰王其疾敬德兩言惟不敬厥德乃早隆厥命曰肆惟王其疾敬德言之諄望之切老臣事少主倦倦之心也異時成王為守文令主而周家卜世卜年過於夏商且過其歷然後知召公之言真人主之藥石國家之著龜也哉

臨川吳氏曰勤恤猶帝典言欽哉欽哉惟刑之恤欲王以小民受天永命一語通結上三節與王其德

之用祈天永命

一語相始終

拜手稽首曰予小臣敢以王之讐民百君子越友民保受王威命明德王末有成命王亦顯我非敢勤惟恭奉幣用供王能祈天永命

讐民殷之頑民與三監叛者百君子殷之御事庶士也友民周之友順民也保者保而不失受者受而無拒威命明德者德威德明也末終也召公於篇終致敬言予小臣敢以殷周臣民保受王威命明德王當

終有天之成命以顯于後世我非敢以此為勤惟恭
奉幣帛用供王能祈天永命而已蓋奉幣之禮臣職
之所當恭而祈天之實則在王之所自盡也又按恭
奉幣意即上文取幣以錫周公而旅王者蓋當時成

王將舉新邑之祀故召公奉以助祭云

薛氏曰先王
民後友民者

作洛以鎮靜商人為先也

與前言先服殷御事同意
陳氏經曰保受王之威德奉行之此臣之職也王

既有成命當求所以永命成命在今日永命在子孫
保受王之威德者臣下之所能至於祈天永命則非
人臣之所能在人君疾敬德以祈天命我非敢勤者
召公不敢自以治洛為功勞也至此則責望於王之

身者甚重恐成王專倚恃臣下也我但能恭奉幣以
供王慶王之能祈天永命而已則祈天永命在王而
不在召公矣陳氏大猷曰篇終復總始末之要以
告王敢以讐民等保受威命明德者因庶殷侯甸和
會作洛而言敢以者自任之辭如命侯甸庶殷即王
之威命宅洛圖治即王之明德和會丕作即保受也
王末有成命與上王厥有成命相應王亦顯與上越
王顯相應我非敢自居其勤慮王以人心已從天命
已定而自足也惟恭奉幣指前取幣旅王而言待王
能祈天永命將以致慶而已期王不已之意可謂婉
而篤矣記曰頌而無詔諫而無矯召公以之新安
陳氏曰所謂能祈天永命不過上文敬德愛小民之
事敬德愛小民即祈天永命之能也上文已盡之故
於篇終特以能字該之臨川吳氏曰王末有成命
因上文王厥有成命而言顯字勤字因上文越王顯
上下勤恤而言恭奉幣因上文取幣旅王若公而言

能祈天永命亦因上文
而言以結一篇之意

洛誥

洛邑既定周公遣使

去聲

告卜史氏錄之以為洛

誥又并記其君臣答問及成王命周公留治洛
之事今文古文皆有 按周公拜手稽首以下

周公授使者告卜之辭也王拜手稽首以下成
王授使者復公之辭也王肇稱殷禮以下周公
教成王宅洛之事也公明保于冲子以下成王

命公留後治洛之事也王命予來以下周公許
成王留洛君臣各盡其責難之辭也伋來以下
成王錫命毖殷命寧之事也戊辰以下史又記
其祭祀冊誥等事及周公居洛歲月久近以附
之以見周公作洛之始終而成王舉祀發政之
後即歸于周而未嘗都洛也

朱子因讀尚書曰其間錯誤解不得

處煞多昔呂伯恭解書因問之云尚書還有解不通處答曰無有因舉洛誥問之云據成王只使周公往營洛故伋來獻圖及卜成王未嘗一日居洛後面如何却與周公有許多答對又云

王在新邑此如何解伯恭遂無以答後得書云
誠有解不得處洛誥之文有不可曉者其後
乃言王在新邑而其前已屢有答問之詞矣
葉氏曰此篇當與召誥參看蓋非一時之言史
取周公得卜至遣使告卜相與往來告戒本末
序次之以示後世也王氏安石曰此誥有不
可知者當缺之而釋其可知者新安陳氏曰
此篇大可疑者惟有公告王宅洛行祀出命之
辭而不載王至洛之事與其日月觀十二月在
洛祭告命周公留治洛之事尚謹書之則自三
月後至十二月前此數月中至洛之大事其當
書也必矣又此篇首章九句脫簡在康誥之首
則首至洛之事其脫簡又可想矣且孺子其朋
及汝惟冲子惟終等處聲牙雖通又王曰公功
渠迪篤之下無周公答辭而即又繼
以王曰豈非此等處有脫簡錯簡耶

周公拜手稽首曰朕復子明辟

此下周公授使者告卜之辭也拜手稽首者史記周公遣使之禮也復如復逆之復成王命周公往營成周周公得卜復命于王也謂成王為子者親之也謂成王為明辟者尊之也周公相成王尊則君親則兄之子也明辟者明君之謂先儒謂成王幼周公代王為辟至是反政成王故曰復子明辟夫有失然後有復武王崩成王立未嘗一日不居君位何復之有哉

蔡仲之命言周公位冢宰正百工則周公以冢宰總百工而已豈不彰彰明甚矣乎王莽居攝幾傾漢鼎皆儒者有以啟之是不可以不辨 蘓氏曰此上有

脫簡在康誥自惟三月哉生魄至洪大誥治四十八

字

王氏安石曰復如復逆之復成王命公往營成周公得卜復命于王曰子親之也曰明辟尊之也先

儒以周公代王為辟至是反政以書攷之周公位冢宰正百官而已未嘗代王為辟何復之有 程子曰

猶言告嗣天子王矣 葉氏曰復如孟子有復于王之復自孔氏以復子明辟謂周公攝而歸政之辭古

今儒者從之不敢易獨王氏以為不然世或未之信焉以子考之周公踐天子位以治天下初無經見獨

明堂位云爾明堂位非出吾夫子也蓋武王崩周公以冢宰攝政此禮之常攝者攝其事非攝其位世見周公在喪之攝不知其非以成王幼而攝故至卜洛猶有歸政之言則王氏之言為有證新安陳氏曰按王莽廢漢孺子嬰為安定公執其手流涕曰昔周公攝位終得復子明辟今予獨迫皇天威命不得如意蓋因孔氏釋經之誤莽遂借此以文其姦

王如弗敢及天基命定命予乃膺保大相去聲東土其基

作民明辟

凡有造基之而後成成之而後定基命所以成始也定命所以成終也言成王幼冲退託如不敢及知天

之基命定命予乃繼太保而往大相洛邑其庶幾為

王始作民明辟之地也洛邑在鎬京東故曰東土

朱子

曰周公不欲斥言王幼不能故言王若不敢及天之
初命定命則不得不嗣攝政事保佑王躬而相此洛
邑以為王當於此初作民主也王氏炎曰承天命
以作新邑是謂基命都邑既成久安長治是謂定命
葵初王氏曰朱子釋胤保不若
傳順正與太保先周公相宅合

予惟乙卯朝至於洛師我卜河朔黎水我乃卜澗水東

澠水西惟洛食我又卜澠水東亦惟洛食

補耕反

來以

圖及獻卜

乙卯即召誥之乙卯也洛師猶言京師也河朔黎水河北黎水交流之內也澗水東瀍水西王城也朝會之地瀍水東下都也處^{上聲}商民之地王城在澗瀍之

間下都在瀍水之外其地皆近洛水故兩云惟洛食也食者史先定墨而灼卜之兆正食其墨也佯使也

圖洛之地圖也獻卜獻其卜之兆辭也

張氏曰王者以民為重故

曰師袁氏曰黎水言河朔則知澗瀍皆河南陳氏經曰先言惟洛食即今河南後言惟洛食即今洛陽言公於洛卜此二處也召誥曰太保朝至于洛卜宅則卜乃召公卜今周公曰我卜者二公同心同謀

召公之卜即周公之卜也蘇氏曰黎水今黎陽也
營洛以處殷民民重遷以河朔為近便卜不吉然後
卜洛也呂氏曰下都之民主于商民先卜河朔黎
水者固其所安也意在近地者商民之心意在地中
者周公之心並列二說以聽於天而已卜黎於先者
先人後己之心也黎既不吉改卜洛邑龜乃協從蓋
周公之心即天心也無間故無違也史氏漸曰世
或謂周公三卜而後洛初於黎水再於澗東瀍西又
於瀍東皆不若洛之吉豈知澗瀍之東西即洛之中
也澗水之東即洛之偏也同名為洛而王城頑民之
居不同非洛自為洛澗瀍自為澗瀍洛邑居天下之
中伊洛瀍澗實周流於其間天子南嚮則澗水在洛
之右瀍水在洛之左周公於澗瀍之中龜兆告吉遂
營王城以建王宮定郊社宗廟是為邾邠之地今之
河南是也又循之左越瀍水之東龜復告吉遂營下
都名曰成周又曰東郊以居殷民今之洛陽是也二

城相距蓋十有八里 臨川吳氏曰龜卜占法今不傳據稽少孫所錄在史記龜策傳者每事有一占洛各不同疑卜宅之占以兆食墨而明為吉不食則其兆曖昧非吉兆也先卜黎陽不吉乃卜洛邑二處而龜兆皆食其墨也

王拜手稽首曰公不敢不敬天之休來相宅其作周匹休公既定宅倅來來視予卜休恒吉我二人共貞公其以予萬億年敬天之休拜手稽首誨言

此王授使者復公之辭也王拜手稽首者成王尊異周公而重其禮也匹配也公不敢不敬天之休命來

相宅為周匹休之地言卜洛以配周命於無窮也視
示也示我以下之休美而常吉者也二人成王周公
也貞猶當也十萬曰億言周公宅洛規模宏遠以我
萬億年敬天休命故又拜手稽首以謝周公告卜之

誨言

朱子曰拜受公言猶禹之拜昌言也

呂氏曰

營洛實配宗周其作我周匹休之也匹者對宗

周之辭

以予者使之之辭倚之者甚重而望之者甚

長也

或曰王不在洛言來者順公所在而言王

氏十朋曰詩之作豐伊匹與此匹休同意

夏氏曰

貞如厥賦貞之貞謂相當也王欲與公共當此吉祥

休

王氏曰言宅洛之事定矣

公當以予永遠敬天之

休以承此休常吉之卜也

新安陳氏曰視與示同

古通用漢書凡示字例作視十萬曰億秦誓又云百萬曰億不同何也詩禾三百億鄭注十萬曰億毛公萬萬曰億孔疏今九章算術皆以萬萬為億鄭以古數言之韋昭注楚語曰十萬曰億古數也秦始以萬萬為億百萬為億未見所本

周公曰王肇稱殷禮祀于新邑咸秩無文

此下周公告成王宅洛之事也殷盛也與五年再殷祭之殷同秩序也無文祀典不載也言王始舉盛禮祀于洛邑皆序其所當祭者雖祀典不載而義當祀者亦序而祭之也呂氏曰定都之初肇舉盛禮大饗

羣祀雖祀典不載者咸秩序而祭之有告焉有報焉

有祈焉始建新都昭假

音格

上下告成事也雨暘時若

大役已成報神賜也自今以始永奠中土祈鴻休也

後世不知祭祀之義鬼神之德觀周公首以祀于新

邑為言若闕於事情者抑不知人主臨鎮新都之始

齊祓

音弗音齋

一心對越天地達此精明之德放

上聲

諸四

海無所不準而助祭諸侯下逮胞翟

音庖狄曰胞者肉吏之

祭統

賤者翟者樂吏之賤者也

之賤亦皆有字顯

音濃

若收其放而合其

離蓋格君心萃天下之道莫要於此宜周公以為首

務也

朱子曰自此以下漸不可曉蓋不知是何時所言傳疏以為王與公俱在洛對問之言葉氏以

為王得卜而至洛既祭復歸錫因留周公居守而周公有此言皆不可考然葉氏說後數章貫穿今從之

復齋董氏曰易曰殷薦之上帝禮有殷祭殷奠皆取殷盛之義

新安陳氏曰王氏謂此殷禮疑即篇末十二月戊辰之祭史述其語於前而記其事於後也竊意十二月之祭不過以周公留治洛之事就冬

燕以告文武耳此曰殷禮曰秩無文乃非常盛禮豈十二月之祀足以當之三月後以至十一月王必當親至洛行大祀禮今脫去矣自此下至無遠用戾乃洛邑既成公自洛歸錫告王以宅洛所當行之事及欲退老之辭也肇稱殷禮以下乃周公至錫請王往新邑舉祀禮及朝諸侯證之召誥公至洛定宅後當

還鎬京觀召公取諸侯之幣錫公由公以達王則可見矣孺子其朋以下必有訛誤脫簡漏却王祀新邑必在此處無疑也況梓材庶邦享集丕享等語其為敬識百辟享之上下文脫簡在彼尤為顯然乎

予齊百工倅從王于周予惟曰庶有事

周公言予整齊百官使從成王于周謂將適洛時也

予惟謂之曰庶幾其有所事乎公但微示其意以待

成王自教詔之也

夏氏曰王祭于新邑我則整齊百官使從王往新邑惟謂百官言女

從王而往庶幾必有事於周欲禮樂自天子出也

新安陳氏曰周公言我今整齊共營洛之百官使從

王于宗周我惟謂之曰王庶幾將適新邑而有事乎國之大事在祀與戎故古人於祭祀皆曰有事公但

徵示王將行祀事於洛之意於百官以待王之自教詔之也

今王即命曰記功宗以功作元祀惟命曰汝受命篤弼功宗功之尊顯者祭法曰聖王之制祭祀也法施於民則祀之以死勤事則祀之以勞定國則祀之能禦大災則祀之能捍大患則祀之蓋功臣皆祭於太皞而勲勞之最尊顯者則為之冠故謂之元祀周公教成王即命曰記功之尊顯者以功作元祀矣又惟命之曰汝功臣受此褒賞之命當益厚輔王室蓋作元

祀既以慰答功臣而又勉其左右王室益圖久大之

業也

呂氏曰洛邑既成周業既定論創業之勲不可後也功臣之冠天下觀瞻鎮服羣下實繫此舉

論功莫先於宗言宗則凡功臣可得而推矣
報功莫重於祀言祀則凡慶賞可得而推矣

丕視功載乃汝其悉自教工

丕大視示也功載者記功之載籍也大視功載而無
不公則百工效之亦皆功也大視功載而或出於私
則百工效之亦皆私也其公其私悉自汝教之所謂
乃汝其悉自教工也上章告以褒賞功臣故戒其大

視功載者如此

朱子曰今王乃命曰我嘗記人之功而尊之又以此功因新邑殷祀而告

之神明矣 吳氏曰已死者祀之其生者則載以旌賞之 新安陳氏曰公因告王今當即出命曰新邑

之祀將記錄創業功臣之宗勲勞最顯者以其功列之大祀使與享矣又當專命羣臣曰汝之受命而能厚輔王室者亦將大視其功而記載之於冊書以勸作元祀者所以報功臣於既往丕視功載者所以勸功臣於方來載之今日又當祀之後日也公又謂王言上即命惟命二說乃汝其悉自教詔於百工其機雖自公發之其教當自王出之也

孺子其朋孺子其朋其往無若火始燄燄厥攸灼叙弗其絕

孺子稚子也朋比

音備下
疏同

也上文百工之視儆如此

則論功行賞孺子其可少徇比黨之私乎孺子其少

徇比黨之私則自是而往有若火然始雖燄燄尚微

而其灼爍

式約反

將次第延爇

如劣反

不可得而撲滅矣

言論功行賞徇私之害其初甚微其終至於不可遏

絕所以嚴其辭而禁之於未然也

朱子曰周公言既如此則孺子往矣

燄火始然尚微而方進之貌灼焚也叙次第也林氏曰如漢之朋黨始於甘陵南北部唐之朋黨始於

牛李其終播紳稔禍海內塗炭是也

厥若曩及撫事如予惟以在周工往新邑倅嚮即有僚
明作有功惇大成裕汝永有辭

其順常道及撫國事常如我為政之時惟用見在周

官勿叅以私人往新邑使百工知上意嚮各就有僚

明白奮揚而赴功惇厚博大以裕俗則王之休聞去聲

亦永有辭于後世矣

朱子曰成王歸宗周其所順之常道及撫臨衆事皆當如我

所行也在周百工皆我所總齊諸習於事當推用此人明作有功之事務為惇大之道以成寬裕之政則汝亦長有寬裕之辭於後世矣言往者如云來相宅順王所在而言趨事赴工常失之急薄故又言惇大

成俗以救其失呂氏曰漢文近於惇大成裕而無所謂明作有功漢宣近於明作有功而無所謂惇大成裕陳氏曰彰明振作以有功績而又惇厚廣大以成寬裕是立精明之治功而存渾厚之治體也

公曰已汝惟沖子惟終

周之王業文武始之成王當終之也此上詳於記功教工內治之事此下則統御諸侯教養萬民之道也

朱子曰周公言已矣乎汝成王惟沖子當惟其終猶伊尹言慎厥終也

汝其敬識百辟享亦識其有不享享多儀儀不及物惟曰不享惟不役志于享凡民惟曰不享惟事其夾侮

此御諸侯之道也百辟諸侯也享朝享也儀禮物幣也諸侯享上有誠有偽惟人君克敬者能識之識其誠於享者亦識其不誠於享者享不在幣而在於禮幣有餘而禮不足亦所謂不享也諸侯惟不用志於享則國人化之亦皆謂上不必享矣舉國無享上之誠則政事安得不至於差爽僭侮隳王度而為叛亂哉人君可不以敬存心辨之於早察之於微乎

朱子曰享

朝而以幣享王誠以奉上之辭幣有餘而禮不及者往往有輕上之心以為可以幣交也曰吾幣足矣何

以禮為如是者猶不享也蘇氏曰小人賄以悅人必簡於禮公戒王責諸侯以禮不以幣恐其役志乎物而不役志乎禮則諸侯慢而王室輕矣此治亂之本故公特言之春秋傳曰晉趙文子為政薄諸侯之幣而重其禮晉穆叔曰自今已往兵其少弭矣夫以列國之卿輕幣重禮猶足以弭兵王而賄其致寇也必矣唐之衰君相皆可以賄取方鎮爭貢羨餘行苞苴而天子始失其政以至於亡周公之戒至矣
新安陳氏曰此因將往新邑朝諸侯而言亦因召公取諸侯之幣旅王而言也

乃惟孺子頒朕不暇聽朕教汝于棗民曩汝乃是不覆

謨即反

乃時惟不永哉篤叙乃正父罔不若予不敢廢乃

命汝往敬哉茲予其明農哉彼裕我民無遠用戾

此教養萬民之道也。頒朕不暇，未詳。或曰：成王當頒布我汲汲不暇者，聽我教汝，所以輔民常性之道。汝於是而不勉焉，則民彞泯亂，而非所以長久之道矣。正父武王也，猶今稱先正云者，篤者篤厚而不忘叙者先後之不紊。言篤叙，武王之道無不如我。則人不敢廢汝之命矣。呂氏曰：武王沒，周公如武王故，天下不廢周公之命。周公去，成王如周公，則天下不廢成王之命。戾至也。王往洛邑，其敬之哉！我其退休田野。

惟明農事蓋公有歸老之志矣彼謂洛邑也王於洛

邑和裕其民則民將無遠不至焉

朱子曰周公戒成王使聽我教汝以

輔民常性之道若汝不勉則不能永保天命也然則所以輔民常性者惟在乎勉而已篤叙汝武王之所

行無不如予之所以厚叙者

陳氏經曰汝當頌我息齋徐氏曰說命先

正訓為先世長官之臣此指武王而引先正為言何也或曰武王撥亂反正故稱正父新安陳氏曰此

一節除汝往敬哉茲予其明農哉二句外皆不可曉皆當缺之味此二句可見公時在鎬欲王往新邑而

已將退老也此章之下當必有公從王至新邑舉祀發命之事而今缺矣

王若曰公明保予冲子公稱丕顯德以予小子揚文武

烈奉答天命和恒四方民居師

此下成王答周公及留公也大抵與上章參錯相應
明顯明之也保保祐之也稱舉也和者使不乖也恒
者使可久也居師者宅其衆也言周公明保成王舉
大明德使其上之不忝於文武仰不愧天俯不忤人
也

朱子曰居師營洛邑定民居也新安陳氏曰此
王既至洛舉祀後與公言將留公治洛先敘述公

之功德以一
慰藉之也

惇宗將禮稱秩元祀咸秩無文

宗功宗之宗也下太宗禮同將大也

孔氏曰厚尊大禮舉秩大祀

新安陳氏曰此蓋王迷已行之事之辭即答公所謂王肇稱殷禮祀于新邑成秩無文也

惟公德明光于上下勤施于四方旁作穆穆迓衡不迷
文武勤教予冲子夙夜毖祀

旁無方所也因上下四方為言穆穆和敬也迓迎也
言周公之德昭著於上下勤施于四方旁作穆穆以
迎治平不迷失文武所勤之教於天下公之德教加
於時者如此予冲子夫

音扶

何為哉惟早夜以謹祭祀

而已蓋成王知周公有退休之志故示其所以留之

之意也

朱子曰穆穆和敬之貌天子之容旁作謂周公輔成已德以迎迓太平之治而不迷於先

王之教

陳氏大猷曰不曰已太平方且和敬以迓

之已治猶未治也使以為既平則無疊疊方進之意

盈而不可久矣

蘇氏曰祭則我沖子政則周公成

王言我歸宗周絜祀而已唐孔氏曰衛獻公云政

由甯氏祭則寡人亦略猶是言祭則我小子迓太平

明教化皆委重於公也新安陳氏曰此王推美歸

重於公猶欲其益因德業之盛而加自強不息

之誠我小子但主祀而已此已示留公之意也

王曰公功棐迪篤罔不若時

言周公之功所以輔我啟我者厚矣當常如是未可

以言去也

朱子曰公之功輔導我已厚矣無不若是以上所稱也

王曰公予小子其退即辟于周命公後

此下成王留周公治洛也成王言我退即居于周命
公留後治洛蓋洛邑之作周公本欲成王遷都以宅
天下之中而成王之意則未欲捨鎬京而廢祖宗之
舊故於洛邑舉祀發政之後即欲歸居于周而留周
公治洛謂之後者先成王之辭猶後世留守留後之
義先儒謂封伯禽以為魯後者非是攷之費誓東郊

不開乃在周公東征之時則伯禽就國蓋已久矣下
大惟告周公其後其字之義益可見其為周公不為

伯禽也

朱子曰上文王曰兩段周公無答辭疑有缺文成王言我當歸即政于宗周而命公留于

洛猶唐節度留後之意

史丞相說書亦有好處如

命公後衆說亦皆云命伯禽為周公之後史云成王

既歸命周公在後看公定予往已一言便見得是周

公旦在後之意西山真氏曰按史記魯世家伯禽

即位之後管蔡等反淮夷徐戎亦並興於是伯禽帥

師伐之於盱遂平徐戎據此則蔡說當矣新安陳

氏曰成王自謂其退即辟于周味退之一字則王時

進在洛邑可知據身在洛邑言故以還歸宗周為退

退固王之謙辭亦迷往返語勢之當然耳先儒於

此皆忽之故不敢質言此章為王至洛後之辭也

四方迪亂未定于宗禮亦未克救公功

宗禮即功宗之禮也亂治也四方開治公之功也未
定功宗之禮故未能救公功也救功者安定其功之
謂即下文命寧者也

朱子曰迪順也四方雖已順治猶未定于尊公之禮未有以撫

治公之功

迪將其後監

音鑒

我士師工誕保文武受民亂為四輔

將大也周公居洛啟大其後使我士師工有所監視
太保文武所受於天之民而治為宗周之四輔也漢

三輔蓋本諸此今按先言啟大其後而繼以亂為四

輔則命周公留後於洛明矣

朱子曰周公在後監我百官士也師也工也四

輔猶四鄰

新安陳氏曰王制曰設四輔及三公四

輔左輔右弼

前疑後丞也引王制之四輔解此四輔

亦與朱子四鄰之說合王以治為四輔之大臣望公下文公以治為四方之新辟望王君臣交相期望也

王曰公定予往已公功肅將祇歡公無困哉我惟無斁

其康事公勿替刑四方其世享

定爾雅曰止也成王欲周公止洛而自歸往宗周言

周公之功人皆肅而將之欽而悅之宜鎮撫洛邑以

慰憐人心母求去以困我也我惟無厭其安民之事

公勿替所以監我士師工者四方得以世世享公之

德也吳氏曰前漢書兩引公無困哉皆以哉作我當

以我為正

朱子曰此王與公決而歸之言也公定居洛予往歸周已公無困哉言公無以事自

困猶漢所謂閔勞公以官職之事也我則當無厭倦於安國安民之事公但勿廢其所以儀刑四方者則

四方其世享矣一說世享世尊享我周無困勿替皆欲公留而勿去之意新安陳氏曰此章之上

必有公答王之辭蓋不許王留後之請也所以王言公止我往歸周矣公無困我是以不許留為困之其

辭危勿替刑以下其望遠又上章言予沖子夙夜旻祀成王全倚重於公而已僅主祭宜公未許留至此

曰我惟無倦於康安之事是王能以安天下
自任而不全倚於公宜公下章幡然許留也

周公拜手稽首曰王命予來承保乃文祖受命民越乃
光烈考武王弘朕恭

此下周公許成王留等事也來者來洛邑也承保乃
文祖受命民及光烈考武王者答誕保文武受民之
言也責難於君謂之恭弘朕恭者大其責難之義也

陳氏曰弘大
我事君之恭

孺子來相宅其大惇典殷獻民亂為四方新辟作周恭

先曰其自時中又萬邦咸休惟王有成績

典典章也殷獻民殷之賢者也言當大厚其典章及
殷之獻民蓋文獻者為治之大要也亂治也言成王
於新邑致治為四方新主也作周恭先者人君恭以
接下以恭而倡後王也公又言其自是宅中圖治萬
邦咸底休美則王其有成績矣此周公以治洛之效
望之成王也

新安陳氏曰孺子來相宅乃公述王之
此行也作周恭先為周家恭敬之王之

先以恭而率先後之為王者也曰者公期望
於王之辭其自時中又其即將然之辭也

子旦以多子越御事篤前人成烈答其師作周孚先考
朕昭子刑乃單文祖德

多子者衆卿大夫也唐孔氏曰子者有德之稱大夫
皆稱子師衆也周公言我以衆卿大夫及治事之臣
篤厚文武成功以答天下之衆也孚信也作周孚先
者人臣信以事上以信而倡後人也考成也昭子猶
所謂明辟也親之故曰子刑儀刑也單殫也言成我
明子儀刑而殫盡文王之德蓋周公與羣臣篤前人

成烈者所以成成王之刑乃殫文祖德也此周公以

治洛之事自效也

新安陳氏曰作周孚先為周家孚信之臣之先以信而率先後之為

臣者也亂為四方新辟當與亂為四輔對觀作周孚先當與作周恭先對觀蓋公與王交相期望各盡責

任之辭也 陳氏大猷曰此處下疑有缺文

俾來毖殷乃命寧予

絕句

以秬鬯

音巨暢

二卣

音有

曰明禋

音因

拜手稽首休享

此謹毖殷民而命寧周公也秬黑黍也一稊

音夫

二米

和氣所生鬯鬱金香草也卣中尊也明潔禋敬也以

事神之禮事公也蘇氏曰以黑黍為酒合以鬱鬯所

以裸

音貫

也宗廟之禮莫盛於裸王使人來戒敕庶殷

且以秬鬯二卣綏寧周公曰明禋曰休享者何也事

周公如事神明也古者有大賓客以享禮禮之酒清

人渴而不飲肉乾

音干

人饑而不食也故享有體薦豈

非敬之至者則其禮如祭也

歟新安陳氏曰寧如歸寧父母之寧曰明禋

拜手稽首休享者迷王命使之辭曰此明潔以禋祀之酒令拜稽而致休美以享公焉敬之至者其禮如

祭傳曰享有體薦一證也記曰君子敬則用祭器又一證也

子不敢宿則禋于文王武王

宿與顧命三宿之宿同禋祭名周公不敢受此禮而

祭於文武也

息齋徐氏曰顧命宿訓為進爵孔氏說也唐孔氏申其義以為進爵於神前

惠篤叙無有遘自疾萬年厭于乃德殷乃引考

此祭之祝辭周公為成王禱也惠順也篤叙與篤叙

乃正父同順篤叙文武之道身其康強無有遘遇自

罹疾害者子孫萬年厭飽乃德殷人亦永壽考也

陳氏

大猷曰惠順文武之道篤叙而行之

王伋殷乃承叙萬年其永觀朕子懷德

承聽受也叙教條次第也王使殷人承叙萬年其永

觀法我孺子而懷其德也蓋周公雖許成王留洛然

且謂王伋殷者若曰遷洛之民我固任之至於使其

承叙萬年則實繫於王也亦責難之意與召誥末用

供王能祈天永命語脈相類

張氏曰觀此書周公不敢當成王拒壺之禮則

天子之禮樂公其敢當乎所以春秋於魯之郊禘皆貶其僭則成王之賜伯禽之受其失可見豈周公之

所敢安乎

戊辰王在新邑烝祭歲文王騂牛一武王騂牛一王命作冊逸祝冊惟告周公其後王賓敘禋咸格王入太室裸

此下史官記祭祀冊誥等事以附篇末也戊辰十二月之戊辰日也是日成王在洛舉烝祭之禮曰歲云者歲舉之祭也周尚赤故用騂宗廟禮太牢此用特牛者命周公留後於洛故舉盛禮也逸史佚也作冊者冊書也逸祝冊者史逸為祝冊以告神也惟告周

公其後者祝冊所載更不他及惟告周公留守其後之意重其事也王賓猶虞賓杞宋之屬助祭諸侯也諸侯以王殺牲禋祭祖廟故咸至也太室清廟中央室也裸灌也以圭瓚酌秬鬯灌地以降神也

王命周公後作冊逸誥在十有二月

逸誥者史逸誥周公治洛留後也在十有二月者明戊辰為十二月日也

惟周公誕保文武受命惟七年

吳氏曰周公自留洛之後凡七年而薨也成王之留公也言誕保文武受民公之復成王也亦言承保乃文祖受命民越乃光烈考武王故史成於其終計其年曰惟周公誕保文武受命惟七年蓋終始公之辭云

多士

商民遷洛者亦有有位之士故周公洛邑初政以王命總呼多士而告之編書者因以名篇亦

誥體也今文古文皆有 吳氏曰方遷商民于洛之時成周末作其後王與周公患四方之遠鑒三監之叛於是始作洛邑欲徙周而居之其曰昔朕來自奄大降爾四國民命我乃明致天罰移爾遐狄比事臣我宗多遜者述遷民之初也曰今朕作大邑于茲洛予惟四方罔攸賓亦惟爾多士攸服奔走臣我多遜者言遷民而後作洛也故洛誥一篇終始皆無欲遷商民之意

惟周公既誥成王留治于洛之後乃曰佅來毖
殷又曰王佅殷乃承叙當時商民已遷于洛故
其言如此愚謂武王已有都洛之志故周公黜
殷之後以殷民反覆難制即遷于洛至是建成
周造廬舍定疆場乃告命與之更平始焉爾此
多士之所以作也由是而推則召誥攻位之庶
殷其已遷洛之民歟不然則受都今衛州也洛
邑今西京也相去四百餘里召公安得捨近之

友民而役遠之讐民哉書序以為成周既成遷

殷頑民者謬矣吾固以為非孔子所作也

呂氏遷

洛之事召誥經營之洛誥考成之多士則慰安之也
張氏曰周之頑民乃商之忠臣也王

氏曰篇名多士而序以為頑民何也在官者謂之士卿大夫士是也在民者謂之士士農工商

是也此書稱士皆在官之殷士也且周公未始以殷民為頑成王命君陳始有無忿疾于頑之

語夫殷民不附周謂之頑可也不忘殷謂之頑可乎故頑之一字周公於康誥酒誥多士多方

等書未嘗出諸口也
新安陳氏曰諸家過信小序所以於昔朕來自奄全說不通吳蔡當矣

吉豐彭氏曰此篇以多士名者蓋遷洛雖皆殷民而中亦有有位者惟謂之士則上可以該

夫卿大夫下可以該夫士
農工商故以多士總之

惟三月周公初于新邑洛用告商王士

此多士之本序也三月成王祀洛次年之三月也周公至洛久矣此言初者成王既不果遷留公治洛至是公始行治洛之事故謂之初也曰商王士者貴之

也

孔氏曰周公致政明年三月也或曰于於也
氏曰殷民遷于成周從舊長所治故先告之殷士

順從則殷
民皆然矣

王若曰爾殷遺多士弗弔旻天大降喪去聲于殷我有周

佑命將天明威致王罰勅殷命終于帝

弗弔未詳意其為歎憫之辭當時方言爾也昊天秋
天也主肅殺而言歎憫言昊天大降災害而喪殷我
周受眷佑之命奉將天之明威致王罰之公勅正殷
命而格之以終上帝之事蓋推革命之公以開諭之

也

息齋徐氏曰弗弔大誥引不弔昊天為訓甚明
呂氏曰以天言之曰明威以人言之曰王罰王

氏曰終與受終
于文祖之終同

肆爾多士非我小國敢弋殷命惟天不畀允罔固亂弼

我我其敢求位

肆與康誥肆汝小子封同弋取也弋烏之弋言有心
於取之也呼多士語之謂以勢而言我小國亦豈敢
弋取殷命蓋裁者培之傾者覆之固其治而不固其
亂者天之道也惟天不與殷信其不固殷之亂矣惟
天不固殷之亂故輔我周之治而天位自有所不容

辭者我其敢有求位之心哉

蘇氏曰固如推亡固存之固信矣天之固治不

固亂也

林氏曰告殷士以天命之公使知殷失天命而亡則誰能與之周得天命而興則誰能違之

惟帝不畀惟我下民秉為惟天明畏

秉持也言天命之所不與即民心之所秉為民心之所秉為即天威之所明畏者也反覆天民相因之理以見天之果不外乎民民之果不外乎天也詩言秉彛此言秉為者彛以理言為以用言也

陳氏經曰紂之惡至於失

人心則天命之所去周之德至於下民秉為即天命之所與新安陳氏曰既曰惟天不畀又曰惟帝不畀既曰將天明威又曰惟天明畏反覆以天命之去留曉殷士而潛消其覬覦猜疑之私耳息齋徐氏曰明畏只如皋陶謨篇所訓為明

我聞曰上帝引逸有夏不適逸則惟帝降格嚮于時夏弗克庸帝大淫泆有辭惟時天罔念聞厥惟廢元命降致罰

引導逸安也降格與吕刑降格同吕氏曰上帝引逸者非有形聲之接也人心得其安則亶亶而不能已斯則上帝引之也是理坦然亦何間

去聲

於桀第桀喪

其良心自不適於安耳帝實引之桀實避之帝猶未遽絕也乃降格災異以示意嚮於桀桀猶不知警懼

不能敬用帝命乃大肆淫逸雖有矯誣之辭而天罔念聞之仲虺所謂帝用不臧是也廢其大命降致其

罰而夏祚終矣

陳氏大猷曰天於人君常欲導之於安逸之地如為善最樂作德日休即

帝之引逸也桀乃不適於逸自趨於危呂氏曰天人之際惟極乃通治極則通格于皇天是也亂極亦通惟帝降格是也桀惡升聞故帝降格譴告災異以示所嚮於是覆邦董子曰天心仁愛人君必出災異以警戒之即降格之謂也自絕于天夭亦絕之國之元命猶人之元氣有則生無則死者也

乃命爾先祖成湯革夏俊民甸四方

甸治也伊尹稱湯旁求俊彥孟子稱湯立賢無方蓋

明揚俊民分布遠邇甸治區畫成湯立政之大經也
周公反覆以夏商為言者蓋夏之亡即殷之亡湯之
興即武王之興也商民觀是亦可以自反矣

如奄甸萬
姓之甸

新安陳
氏曰甸

自成湯至于帝乙罔不明德恤祀

明德者所以修其身恤祀者所以敬乎神也

亦惟天丕建保乂有殷殷王亦罔敢失帝罔不配天其

澤

亦惟天大建立保治有殷殷之先王亦皆操半存此

心無敢失帝之則無不配天以澤民也

薛氏曰無所不泱天之澤

也王者宅天下無彼疆此界之殊配天其澤也新
安陳氏曰此之罔不明德與下文惟天不畀不明厥

德當對觀恤祀與罔失帝配天澤皆自克明
德中來也商先王以明德而得天命也如此

在今後嗣王誕罔顯于天矧曰其有聽念于先王勤家

誕淫厥佚

音逸

罔顧于天顯民祗

後嗣王紂也紂大不明於天道況曰能聽念商先王

之勤勞於邦家者乎大肆淫佚無復顧念天之顯道

民之敬畏者也

惟時上帝不保降若茲大喪

去聲

大喪者國亡而身戮也

惟天不畀不明厥德

商先王以明德而天丕建則商後王不明德而天不畀矣

凡四方小大邦喪罔非有辭于罰

凡四方小大邦國喪亡其致罰皆有可言者況商罪

貫盈而周奉辭以伐之者乎

呂氏曰天也祖宗也民也自古帝王所共畏也

紂不聽念先王周顧天顯民祇三畏皆亡無所不至矣新安陳氏曰紂之衆惡皆自不明德中來其以

不明德而失天命也如此

王若曰爾殷多士今惟我周王丕靈承帝事

靈善也大善承天之所為也武成言祇承上帝以遏亂略是也

有命曰割殷告勅于帝

帝有命曰割殷則不得不戡

音地

定剪除告其勅正之

事于帝也武成言告于皇天后土將有大征于商者是也

惟我事不貳適惟爾王家我適

上帝臨汝毋貳爾心惟我事不貳適之謂上帝既命侯于周服惟爾王家我適之謂言割殷之事非有私心一於從帝而無貳適則爾殷王家自不容不我適矣周不貳于帝殷其能貳於周乎蓋示以確然不可動搖之意而潛消頑民反側之情爾然聖賢事不貳

適日用飲食莫不皆然蓋所以事天也豈特割殷之事而已哉

予其曰惟爾洪無度我不爾動自乃邑

三監倡亂予其曰乃汝大為非法非我爾動變自爾邑猶伊尹所謂造攻自鳴條也

予亦念天即于殷大戾肆不正

予亦念天就殷邦屢降大戾紂既死武庚又死故邪慝不正言當遷徙也

王曰猷告爾多士予惟時其遷居西爾非我一人奉德
不康寧時惟天命無違朕不敢有後無我怨

時是也指上文殷大戾而言謂惟是之故所以遷居
西爾非我一人樂如是之遷徙震動也是惟天命如
此汝毋違越我不可有後命謂有他罰爾無我怨也

唐孔氏曰從殷適洛
南行而西向故為西

惟爾知惟殷先人有冊有典殷革夏命

即其舊聞以開諭之也殷之先世有冊書典籍載殷

革夏命之事正如是耳爾何獨疑於今乎

今爾又曰夏迪簡在王庭有服在百僚予一人惟聽用
德肆予敢求爾于天邑商予惟率肆矜爾非予罪時惟
天命

周公既舉商革夏事以諭頑民頑民復以商革夏事
責周謂商革夏命之初凡夏之士皆啟迪簡拔在商
王之庭有服列于百僚之間今周於商士未聞有所
簡拔也周公舉其言以大義折之言爾頑民雖有是

言然予一人所聽用者惟以德而已故予敢求爾於
天邑商而遷之於洛者以異率德改行焉予惟循商
故事矜恤於爾而已其不爾用者非我之罪也是惟

天命如此蓋章德者天之命今頑民滅德而欲求用

得乎

陳氏大猷曰迪簡王庭職之大者有服百僚職之小者聽用德聽察其有德者而用之

陳氏

經曰聽用德者爾有德我何敢不用爾無德我何敢苟用商士所言皆私情王所言皆天理不擇賢否而用非天理矣
呂氏曰商猶謂之天邑者蓋言其地舊為天子之都重其事而敬其辭裁之者固甚正待之者亦甚厚矣

王曰多士昔朕來自奄

音淹

予大降爾四國民命我乃明

致天罰移爾遐狄比

去聲

事臣我宗多遜

降猶今法降等云者言昔我來自商奄之時汝四國之民罪皆應死我大降爾命不忍誅戮乃止明致天罰移爾遠居于洛以親比臣我宗周有多遜之美其罰益亦甚輕其恩固已甚厚今乃猶有所怨望乎詳

此章則商民之遷固已久矣

朱子曰奄東方之國陳氏大猷曰此奄與淮

夷三監同助武庚以叛周公東征一舉而誅四國獨言來自奄者伐奄在後誅奄即來也四國殷管蔡霍

也以觀我事我臣我宗
法成周濟濟多遜之盛

王曰告爾殷多士今予惟不爾殺予惟時命有申今朕
作大邑于茲洛予惟四方罔攸賓亦惟爾多士攸服奔
走臣我多遜

以自奄之命為初命則此命為申命也言我惟不忍
爾殺故申明此命且我所以營洛者以四方諸侯無
所賓禮之地亦惟爾等服事奔走臣我多遜而無所
處故也詳此章則遷民在營洛之先矣吳氏白來自

奄稱昔者遠日之辭也作大邑稱今者近日之辭也
移爾遐逝比事臣我宗多遜者期之之辭也攸服奔
走臣我多遜者果能之辭也以此又知遷民在前而
作洛在後也

爾乃尚有爾土爾乃尚寧幹止

幹事止居也爾乃庶幾有爾田業庶幾安爾所事安
爾所居也詳此章所言皆仍舊有土田居止之辭信
商民之遷舊矣孔氏不得其說而以得反所生釋之

於文義似矣而事則非也

爾克敬天惟畀矜爾爾不克敬爾不啻不有爾土予亦致天之罰于爾躬

敬則言動無不循理天之所福吉祥所集也不敬則言動莫不違悖天之所禍刑戮所加也豈特竄徙不有爾土而已哉身亦有所不能保矣

新安陳氏曰蔡傳釋不啻不有

爾土加竄徙二字尤善

今爾惟時宅爾邑繼爾居爾厥有幹有年于茲洛爾小

子乃興從爾遷

邑四井為邑之邑繼者承續安居之謂有營為有壽
考皆于茲洛焉爾之子孫乃興自爾遷始也夫自亡
國之末裔為起家之始祖頑民雖愚亦知所擇矣
王曰又曰時予乃或言爾攸居

王曰之下當有缺文以多方篇末王曰又曰推之可
見時我或有所言皆以爾之所居止為念也申結上

文爾居之意

王氏炎曰王曰下必有脫簡又曰下必有脫文不可強解新安陳氏曰多士

一書中言興喪則由於天言天命則繫於德言德則本於敬終之以爾土爾邑有恒產者有恒心而非誘之以利也

無逸

逸者人君之大戒自古有國家者未有不以勤而興以逸而廢也益戒舜曰罔遊于逸罔淫于樂舜大聖也益猶以是戒之則時君世主其可忽哉成王初政周公懼其知逸而不知無逸也故作是書以訓之言則古昔必稱商王者時之

近也必稱先王者王之親也舉三宗者繼世之君也詳文祖者耳目之所逮也上自天命精微下至畎畝艱難間里怨詛無不具載豈獨成王之所當知哉實天下萬世人主之龜鑑也是篇凡七更端周公皆以嗚呼發之深嗟永歎其意

深遠矣亦訓體也今文古文皆有

張氏曰周召之於成王所

陳在敬所戒在逸蓋敬則不逸逸則不敬敬逸之分而歷年之延否享國之壽夭判焉召公以敬陳於前周公以無逸戒於後不如是不足以為周召
呂氏曰逸者禍亂之源三年東征以

定外亂此特治其末流爾無逸者治源之書也
無逸作於作洛之後成王卽政之初陳氏大
猷曰逸者萬惡之根無逸者萬善之本無逸一
書所以為百代元龜書通釋注云無逸一篇
其要在知小人之依是以肯論人之賢愚係乎
能知小人之依與否繼言殷三宗之壽由其能
知乎此後王之天亦由其不能知也周之先王
其智固不異於三宗周之後王宜以文王為法
而以商紂為戒末言三宗文王有迪哲之實故
聞小人之怨詈則反諸躬而不尤人成王其可
聽信其語而速怨哉周公總以
嗣王其監于茲結之得無意耶

周公曰嗚呼君子所其無逸

所猶處所也君子以無逸為所動靜食息無不在是

焉作輟則非所謂所矣

萍鄉柳凡言呂東萊解無逸一篇極好朱子扣之曰伯恭

如何解君子所其無逸柳凡曰呂東萊解所字為居字曰若某則不敢如此說諸友請曰先生將如何說曰恐有脫字則不可知若說不行而必強立一說雖若可觀只恐道理不如此呂氏曰凡人乍勤乍怠亦有無逸之時然能暫而不能居非所其無逸者也惟君子以無逸為所如魚之於水鳥之於林有不可得而離者焉陳氏大猷曰所若北辰居其所之所致居而不移之謂李氏杞曰所安也猶止其所之所所其無逸安於無逸也新安陳氏曰所其無逸與王敬作所不可不敬德朱子皆不欲以處所安居之意釋之懼其巧鑿非古人之本意也然呂說為可喜所以朱子非之而蔡氏仍本之

先知稼穡之艱難乃逸則知小人之依

先知稼穡之艱難乃逸者以勤居逸也依者指稼穡
而言小民所恃以為生者也農之依田猶魚之依水
木之依土魚無水則死木無土則枯民非稼穡則無
以生也故舜自耕稼以至為帝禹稷躬稼以有天下
文武之基起於后稷四民之事莫勞於稼穡生民之
功莫盛於稼穡周公發無逸之訓而首及乎此有以
哉林氏曰惟知稼穡之艱難為念而不留意於逸者乃所以能逸蓋好逸者未必能逸無逸者乃能逸也
呂氏曰此非始於憂勤終於逸樂之論也蓋言先備嘗稼穡之艱難乃處於安逸則深知小人之所

依未嘗知稼穡之艱難而遽處安逸興一宮室起一
力役視若易然而民有不得其死者矣成王生於深
宮遽處人上公深為之懼故以此章警之若以始勤
終逸釋之是乾健之體有時而息矣後世漸不克終
之患未必非此論啟之陳氏經曰乃逸非先艱難
而後逸樂也艱難之中自有逸樂之理君子當以艱
難為逸不當以逸為逸也南軒張氏曰周自后稷
以農事開國歷世相傳相與咨嗟歎息服習乎艱難
而詠歌其勞苦此實王業之根本也周公之告成王
詩有七月皆言農桑之候書有無逸欲其知稼穡知
小人之依帝王所傳心法之要端在於此夫治常生
於敬畏而亂常起於驕逸使為國者每念稼穡之艱
難而心不存焉者寡矣是心常存則驕矜逸豫何自
而生豈非治之所由興歟陳氏大猷曰所其無逸
知小人之依此一篇之綱領後章言三宗文王及怨
詈之事皆反覆推明乎此也新安陳氏曰先知稼

穡之艱難乃逸以為先艱難而後可謀安逸固非矣
以為艱難乃所以為安逸亦非也蓋君逸於上君本
逸也惟以勤居逸雖逸而能無逸呂氏此論超出諸
家下文厥子不知稼穡之艱難乃逸乃諺既誕似若
六字一句蔡氏提出謂此為以逸為逸與上文乃逸
以勤居逸者為對提得精神如兩眼然雖六字仍作
一句讀亦不妨如此說云

相去聲小人厥父母勤勞稼穡厥子乃不知稼穡之艱難
乃逸乃諺既誕否則侮厥父母曰昔之人無聞知

不知稼穡之艱難乃逸者以逸為逸也俚語曰諺言
視小民其父母勤勞稼穡其子乃生於豢音患養不知

稼穡之艱難乃縱逸自恣乃習俚巷鄙語既又誕妄
無所不至不然則又訕侮其父母曰古老之人無聞
無知徒自勞苦而不知所以自逸也昔劉裕奮農畝
而取江左一再傳後子孫見其服用反笑曰田舍翁
得此亦過矣此正所謂昔之人無聞知也使成王非
周公之訓安知其不以公劉后稷為田舍翁乎

蘇氏曰農

夫之子生而飽暖且不知艱難而沉於王乎
宋高祖劉裕孫孝武帝駿壞高祖所居陰室為玉燭
殿牀頭有土障壁上掛葛燈籠麻繩拂衣顯因
盛稱高祖儉德上曰田舍翁得此已為過矣
南史

周公曰嗚呼我聞曰昔在殷王中宗嚴恭寅畏天命自度治民祇懼不敢荒寧肆中宗之享國七十有五年

中宗大戊也嚴則莊重恭則謙抑寅則欽肅畏則戒懼天命即天理也中宗嚴恭寅畏以天理而自檢律其身至於治民之際亦祇敬恐懼而不敢怠荒安寧中宗無逸之實如此故能享國永年之效也按書序大戊有原命咸乂等篇意述其當時敬天治民之事

今無所致矣

孔氏曰以敬畏之故得壽考之福下文言逸樂之損壽

呂氏曰上既論

無逸之理此復舉無逸之君以示之法此中宗無逸之實嚴恭寅畏合而言之敬也因桑穀而修省亦其畏天命之一端天人一理既畏天命必不敢輕下民祇懼不敢荒寧皆敬也惟敬故壽也主靜則悠遠博厚自強則堅實精明操存則血氣循軌而不亂收斂則精神內固而不浮至於儉約克治去戕賊之累又不在言凡此皆敬之力壽之理也自此至文王其壽莫非此理陳氏經曰以天命之理自為法度凡身所躬行合於法度者無非天命之流行李氏杞曰無逸必寡慾寡慾而不壽者鮮矣逸樂必多慾多慾而能全生者亦鮮矣既以無逸致壽者為之勸又以逸樂損壽者為之戒使前有所慕後有所警有所慕則知無逸之可法有所警則知逸樂之不可縱

其在高宗時舊勞于外爰暨小人作其即位乃或亮陰

音梁
卷

三年不言其惟不言言乃雍不敢荒寧嘉靖殷邦
至于小大無時或怨肆高宗之享國五十有九年

高宗武丁也未即位之時其父小乙使久居民間與
小民出入同事故於小民稼穡艱難備嘗知之也雍
和也發言和順當於理也嘉美靖安也嘉靖者禮樂
教化蔚然於安居樂業之中也漢文帝與民休息謂
之靖則可謂之嘉則不可小大無時或怨者萬民咸
和也乃雍者和之發於身嘉靖者和之達於政無怨

者和之著於民也餘見說命高宗無逸之實如此故

亦有享國永年之效也

呂氏曰三年不言聖賢之君未必盡然故謂之乃或是或

一道也小大無怨民氣大和導迎和氣是亦壽考之理又發此意以申勸成王下章論文王咸和萬民亦是意也篇末二章之論達怨詛祝怨詈實申此而盡發之張氏曰不敢荒寧則志氣凝定精神純一此長年之基民心大和導迎善氣又所以致長年也蓋神氣耗散則根本不固厲氣外襲則天和日消有一于此皆足致天

其在祖甲不義惟王舊為小人作其即位爰知小人之依能保惠于庶民不敢侮鰥寡肆祖甲之享國三十有

三年

史記高宗崩子祖庚立祖庚崩弟祖甲立則祖甲高宗之子祖庚之弟也鄭玄曰高宗欲廢祖庚立祖甲祖甲以為不義逃於民間故云不義惟王按漢孔氏以祖甲為太甲蓋以國語稱帝甲亂之七世而殞孔氏見此等記載意為帝甲必非周公所稱者又以不義惟王與太甲此乃不義文似遂以此稱祖甲者為太甲然詳此章舊為小人作其即位與上章爰暨小

人作其即位文勢正類所謂小人者皆指微賤而言

非謂儉

音纖

小之人也作其即位亦不見太甲復政思

庸之意又按邵子經世書高宗五十九年祖庚七年

祖甲三十三年世次歷年皆與書合亦不以太甲為

祖甲況殷世二十有九以甲名者五帝以大以小以

沃以陽以祖別之不應二人俱稱祖甲國語傳訛承

謬旁記曲說不足盡信要以周公之言為正又下文

周公言自殷王中宗及高宗及祖甲及我周文王及

云者因其先後次第而枚舉之辭也則祖甲之為祖

甲而非太甲明矣

呂氏曰商去周末遠故公以王耳目所接者言之 陳氏經曰中宗

近生知高宗學知祖甲因知者也

自時厥後立王生則逸生則逸不知稼穡之艱難不聞

小人之勞惟耽樂

洛音

之從自時厥後亦罔或克壽或十

年或七八年或五六年或四三年

過樂謂之耽泛言自三宗之後即君位者生則逸豫

不知稼穡之艱難不聞小人之勞惟耽樂之從伐性

喪生故自三宗之後亦無能壽考遠者不過十年七

八年近者五六年三四年爾耽樂愈甚則享年愈促

也凡人莫不欲壽而惡

去聲

夭此篇專以享年永不永

為言所以開其所欲而禁其所當戒也

陳氏經曰逸樂人所好然

所好有甚於逸樂者苟以艱難而得壽奚為而逸樂艱難人所惡然所惡有甚於艱難者苟以逸樂而促

壽奚為而不艱難

蘇氏曰人莫不好逸欲而其所甚好甚惡也

者生也以其所甚好禁其所好庶幾必信然猶有不信者以逸豫為未必害生也漢武帝唐明皇豈無欲者哉而壽如此夫多欲不享國者皆是也武帝明皇千一而已豈可專望乎此哉

呂氏曰憂勤者必壽

逸豫者必夭此周公格言大訓非特以戒成王實萬
世人主之龜鑑也蓋人之一心苟有所操存則精神
思慮日由乎天理之中其壽固可必孔子所謂仁者
壽詩人所謂樂只君子萬壽無期亦即其理而推之
耳後世之君憚憂勤而恣逸樂伐性傷生靡所不至
乃欲慕神仙之術以求長年何其愚之甚也歟
初王氏曰蘇氏之說於經有助使好逸者無以漢武
明皇藉口呂氏求神仙延壽之說三代前未有也然
亦可備經筵
進讀之一義

周公曰嗚呼厥亦惟我周太王王季克自抑畏

商猶異世也故又即我周先王告之言太王王季能
自謙抑謹畏者蓋將論文王之無逸故先述其源流

之深長也大抵抑畏者無逸之本縱肆怠荒皆矜誇
無忌憚者之為故下文言文王曰柔曰恭曰不敢皆

原太王王季抑畏之心發之耳

陳氏大猷曰克自者真能自用其力而人

不與也抑者所以下之也如制怒欲去奢侈皆是也畏敬畏也人所以肆行無畏不能自抑故也抑其私欲惟義是從則必畏天命畏祖宗畏小民矣

文王卑服即康功田功

卑服猶禹所謂惡衣服也康功安民之功田功養民
之功言文王於衣服之奉所性不存而專意於安養

斯民也卑服蓋舉一端而言宮室飲食自奉之薄皆

可類推

孔氏曰就田功以知稼穡之艱難新安陳氏曰孔氏以即田功為知稼穡之艱難甚好

知稼穡艱難乃無逸之根本一篇之綱領也迪哲四君皆由於此彼生則逸之君只為不知稼穡艱難耳

徽柔懿恭懷保小民惠鮮鰥寡自朝至于日中昃不遑

暇食用咸和萬民

徽懿皆美也昃日昃

徒結反

也柔謂之徽則非柔懦之

柔恭謂之懿則非足

子遇反

恭之恭文王有柔恭之德

而極其徽懿之盛和易近民於小民則懷保之於鰥

寡則惠鮮之惠鮮云者鰥寡之人垂首喪

去聲

氣賚予

音與賙給之使之有生意也自朝至于日之中自中至

于日之昃一食之頃有不遑暇欲咸和萬民使無一

不得其所也文王心存乎民自不知其勤勞如此豈

秦始皇衡石程書隋文帝衛士傳餐代有司之任者

之為哉立政言罔攸兼于庶言庶獄庶慎則文王又

若無所事事者不讀無逸則無以知文王之勤不讀

立政則無以知文王之逸合二書觀之則文王之所

從事可知矣

問徽柔懿恭是一字二字朱子曰一字柔者須徽恭者須懿柔而不徽則姑息

恭而不懿則非由中出柔易於暗弱徽者發揚之意恭形於外懿則有蘊藏之意陳氏大猷曰卑服非

止惡衣服凡服用皆卑損

文王不敢盤于遊田以庶邦惟正之供文王受命惟中

身厥享國五十年

遊田國有常制文王不敢盤遊無度上不濫費故下

無過取而能以庶邦惟正之供於常貢正數之外無

橫斂

竝去聲

也言庶邦則民可知文王為西伯所統庶

邦皆有常供春秋貢於霸主者班班可見至唐猶有
送使之制則諸侯之供方伯舊矣受命言為諸侯也
中身者漢孔氏曰文王九十七而終即位時年四十
七言中身舉全數也上文崇素儉恤孤獨勤政事戒

遊佚皆文王無逸之實故其享國有歷年之永

呂氏曰凡

有血氣患於上陵必學問以下之抑損祇畏以自下
則用力於無逸深矣力不分於奉已故功全歸於恤
民惠澤之使鮮鮮有生意盤遊田日不敢翼翼之小
心也此章言文王家法凡無逸之條目如崇儉素重
農畝恤窮困勤政事戒遊田損橫斂大略皆備其稱
文王之壽即前章之意以此為防後世猶為文王憂

勤損壽之說以啟人
主之好逸如鄭玄者

周公曰嗚呼繼自今嗣王則其無淫于觀于逸于遊于
田以萬民惟正之供

則法也其指文王而言淫過也言自今日以往嗣王
其法文王無過于觀逸遊田以萬民惟正賦之供上
文言遊田而不言觀逸以大而包小也言庶邦而不
言萬民以遠而見近也

無皇曰今日耽樂

音洛

乃非民攸訓非天攸若時人不則

有愆無若殷王受之迷亂音照于酒德哉

無與母通皇與遑通訓法若順則法也母自寬假曰

今日姑為是耽樂也一日耽樂固若未害然下非民

之所法上非天之所順時人大法其過逸之行

胡孟反

猶商人化受而崇飲之類故繼之曰母若商王受之

沈迷酗于酒德哉音照酒謂之德者德有凶有吉韓子

所謂道與德為虛位是也

陳氏經白兩惟正之供皆不以貢賦為吾逸樂之用

也觀逸遊田人君未嘗無特不可過其則耳一日暫樂若未害也而以為不可者蓋此心不可以斯須忘

斯須而忘是放其心自此以往不可收拾矣 呂氏
曰雖戒成王實欲後嗣共守此訓故以繼自今嗣王
言觀覽以舒其目安逸以休其身遊豫以省風俗田
獵以習武備人君不能無也不可過爾過則人欲肆
而入於亂亡矣故公使之無淫過于此必絕之使無
則迫感拘制矣觀逸遊田橫斂之源四者既省用有
常經自應以萬民惟正之供始耽樂者毋自恕曰今
日耽樂爾是心一流將一日二日漫漫終身不返矣
苟不戒一日之耽樂必至為紂之徒無皇曰今日耽
樂蓋原淫樂之始使之深絕其微無若殷王受蓋要
淫樂之終使知必至此極始終備矣 林氏曰隱公
觀魚莊公觀社觀也唐敬宗日晏坐朝逸也周穆所
至有車輶馬迹遊也太康畋洛表田也皆淫於此者
西山真氏曰前舉三宗後舉文王俾王知所法又
舉紂俾王知所戒紂之惡無不有酗酒其最也人無
智愚皆知憂勤必享國逸欲必戕生惟沈湎于酒心

志昏亂則雖死亡在前亦不知畏故欲無逸則不可
酗酒酗酒則必不能無逸公所以專以此申戒也
薛氏曰今日耽樂與詩
所謂一醉日富當同義

周公曰嗚呼我聞曰古之人猶胥訓告胥保惠胥教誨

民無或胥譴

音

張為幻

音

胥相訓誡惠順譴

古況反

張誕也變名易實以眩

音

觀者曰幻歎息言古人德業已盛其臣猶且相與誡
告之相與保惠之相與教誨之保惠者保養而將順
之非特誡告而已也教誨則有規正成就之意又非

特保惠而已也惟其若是是以視聽思慮無所蔽塞

好惡取予

音

明而不悖故當時之民無或敢誑誕為

幻也

呂氏曰訓告教誨皆見於言語保惠則調護於日用功用相表裏也

新安陳氏曰訓誨忠言

也講張邪說也忠言交進則邪說莫行

此厥不聽人乃訓之乃變亂先王之正刑至于小大民

否則厥心違怨否則厥口詛祝

音咒

正刑正法也言成王於上文古人胥訓告保惠教誨之事而不聽信則人乃法則之君臣上下師師非度

必變亂先王之正法無小無大莫不盡取而紛更庚音

之蓋先王之法甚便於民甚不便於縱侈之君如省

刑罰以重民命民之所便也而君之殘酷音哭者則必

變亂之如薄賦斂去聲以厚民生民之所便也而君之

貪侈者則必變亂之厥心違怨者怨之蓄于中也厥

口詛祝者怨之形於外也為人上而使民心口交怨

其國不危者未之有也此蓋治亂存亡之機故周公

懇懇言之

陳氏大猷曰承上章無怨威和之意遂及於違怨詛祝唐孔氏曰請神加殃謂之

詛以言告
神謂之祝

周公曰嗚呼自殷王中宗及高宗及祖甲及我周文王
茲四人迪哲

迪蹈哲智也孟子以知而弗去為智之實迪云者所
謂弗去是也人主知小人之依而或忿戾之者是不
能蹈其知者也惟中宗高宗祖甲文王允蹈其智故
周公以迪哲稱之

厥或告之曰小人怨汝詈

音吏

汝則皇自敬德厥愆曰朕

之愆允若時不啻不敢含怒

詈罵言也其或有告之曰小人怨汝詈汝汝則皇自敬德反諸其身不尤其人其所誣毀之愆安而受之曰是我之愆允若時者誠實若是非止隱忍不敢藏怒也蓋三宗文王於小民之依心誠知之故不暇責小人之過言且因以察吾身之未至怨詈之語乃所樂聞是豈特止於隱忍含怒不發而已哉

唐孔氏曰皇大大自

敬德

朱氏方大曰聞謗而自反以敬德則凡怨詈之來皆箴砭之益吾方資之以自反何止不敢含怒

於心而已苟非發於中心之誠惟不敢含怒而止則是僅能恕人之言而未盡反己之功也

陳氏大猷

曰四君至明故能如此凡聞謗而責人皆不明所致也

此厥不聽人乃或譸張為幻曰小人怨汝詈汝則信之

則若時不永念厥辟不寬綽厥心亂罰無罪殺無辜

孤音

怨有同是叢音崇于厥身

綽大叢聚也言成王於上文三宗文王迪哲之事不

肯聽信則小人乃或誑誕變置虛實曰小民怨汝詈

汝汝則聽信之則如是不能永念其為君之道不能

寬大其心以誑誕無實之言羅織疑似亂罰無罪殺戮無辜天下之人受禍不同而同於怨皆叢於人君之一身亦何便於此哉大抵無逸之書以知小人之依為一篇綱領而此章則申言既知小人之依則當蹈其知也三宗文王能蹈其知故其胷次寬平人之怨詈不足以芥蒂其心如天地之於萬物一於長育而已其悍疾憤戾天豈私怒於其間哉天地以萬物為心人君以萬民為心故君人者要當以民之怨詈

為已責不當以民之怨詈為已怒以為已責則民安

而君亦安以為已怒則民危而君亦危矣吁可不戒

哉

林氏曰以譁張之說妄殺如幽厲之監謗秦立誹謗法之類陳氏經曰以一人之身當天下之怨

皆自幻言有以惑之始人主憂勤則心莊氣肅而一身和下無怨詛而天下和壽所以長也人主逸樂則心有所蠱壞而一身失其和邪說進小人怨殺戮肆行而天下失其和此壽所以短也推言人主之壽下及小人怨詈之情可謂深切矣夏氏曰向之怨詈猶有限也至此普天同怨是怨叢於一身矣民氣如此欲享國長久得乎此意蓋在言外也范氏曰明君惟聽正直故讒慝之言不入於耳暗君好聽讒佞故欺誑之言日至於前人君當修德以弭怨不可以刑殺止怨以刑殺止怨怨之愈甚大決所潰不可收

拾矣呂氏曰無逸始以逸豫為戒終則以棄忠言
惑邪說壞法度治誹謗結之惟無逸然後能去是病
而所以保無逸者亦不過戒是數者也新安陳氏
曰末章承上章以論處怨詈之道然召民和而使自
無時或怨上也因怨言而自反次也以教罰止怨而
怨叢無次矣周公以怨詈等事寬廣君心而伸舒民
氣其為邦本國
脈計宜淺淺哉

周公曰嗚呼嗣王其監于茲

茲者指上文而言也無逸一篇七章章首皆先致其
咨嗟詠歎之意然後及其所言之事至此章則於嗟
歎之外更無他語惟以嗣王其監于茲結之所謂言

有盡而意則無窮成王得無深警於此哉

董氏鼎曰此篇挈所

其無逸以為之綱而分先知稼穡艱難與不知艱難以為之目此一書之大旨也商三君先知艱難者也後王生則逸不知艱難者也戒嗣王之觀逸遊田懼其不知艱難也遠引古人恐不盡信故尤欲其師文王懲商紂以耳目所及者為言焉真萬世之龜鑑哉

君奭

音式

召公告老而去周公留之史氏錄其告語為篇亦詰體也以周公首呼君奭因以君奭名篇篇中語多未詳今文古文皆有按此篇之作史

記謂召公疑周公當國踐祚唐孔氏謂召公以
周公嘗攝王政今復在臣位葛氏謂召公未免
常人之情以爵位先後介意故周公作是篇以
諭之陋哉斯言要皆為序文所誤獨蘇氏謂召
公之意欲周公告老而歸為近之然詳本篇旨
意迺召公自以盛滿難居欲避權位退老厥邑
周公反復告諭以留之爾熟復而詳味之其義
固可見也

朱子曰召公不悅這意思曉不得若
論事了儘未在看來是見成王已臨

政便也小定了許多事周公自可了得所以求
去程子曰師保之任古人難之故召公不悅
者不敢安於保也周公作書以勉之以為在昔
人君所以致治者皆賴其臣而使召公謀所以
裕已也問召公不悅之意朱子曰召公不悅
只是小序恁地說裏面却無此意這只是召公
要去後周公留他說道朝廷不可無老臣又問
又曰等語不可曉曰這箇只是大綱綽得箇意
脈子便恁地說不要逐箇字去討便無理會這
箇物事難理會又曰弗弔只當作去聲讀又曰
召公不悅蓋以為周公歸政之後不當復留而
已亦老而當去故周公言二人不可不留之意
曰嗚呼君已日時我我亦不敢寧于上帝命弗
永遠念天威越我民罔尤違又歷道古今聖賢
倚賴老成以固其國家之事又曰予不惠若茲
多誥予惟用閔于天越民只此便見周公之心

每讀至此未嘗不喟然太息也試於此等處虛心求之如何呂氏曰召公以盛滿欲去周公反復留之後世權位相軋排使去者有之挽之留者鮮矣大臣之秉心公則深恐無助私則惟恐不專也又曰成功不可居洛邑成而周公告歸召公亦同此心也已而成王留周公周公幡然改矣召公猶守欲退之心也周公遂力留之及其既喻非特留於一時終相成王且相康王身任托孤之責而不辭惟不苟於隨所以篤於信也陳氏大猷曰或謂周公去朝居洛召公獨執政柄所以欲去今以洛誥君陳攷之周公固居洛以化殷民以無逸蔡仲等考之周公未常不在朝以輔大業意其往來鎬洛之間也方是時洛邑雖成而殷民尚未寧四方雖定而天命人心尚未固宜周公諄諄於留召公歟

周公若曰君奭

君者尊之之稱奭召公名也古人尚質相與語多名之

弗弔天降喪于殷殷既墜厥命我有周既受我不敢知曰厥基永孚于休若天棐忱我亦不敢知曰其終出于不祥

不祥者休之反也天既下喪亡于殷殷既失天命我有周既受之矣我不敢知曰其基業長信於休美乎

如天果輔我之誠耶我亦不敢知曰其終果出於不祥乎 按此篇周公留召公而作此其言天命吉凶之決雖曰我不敢知然其懇惻危懼之意天命吉凶之決

實主於召公留不留如何也

呂氏曰自後世之私觀之殷之禍周之福也述

殷之喪亡亦曰弗弔聖賢公天下之心也人之於天或恃而不自修或懼而不自強謂永孚于休恃而不

自修也意天不福已也謂終出不祥懼而不自強也意天必禍已也皆非也新安陳氏曰此數句與召

語不敢知曰有歷年不其延語脈略同臨川吳氏曰不幸天大降喪亡之禍于殷殷既隆其命而我

周既受之矣然天命難諶有德則常留無德則旋去孚者以實感以實應也永孚于休命之留也不祥者

休之反出于不祥命之去也雖曰我周既有天命然謂其基必可長久我所不敢知也雖曰天非可信然謂其終必至失墜我亦不敢知也

嗚呼君已曰時我我亦不敢寧于上帝命弗永遠念天威越我民罔尤違惟人在我後嗣子孫大弗克恭上下遏佚前人光在家不知

尤怨違背也周公歎息言召公已嘗曰是在我而已周公謂我亦不敢苟安天命而不永遠念天之威於我民無尤怨背違之時也天命民心去就無常實惟

在人而已今召公乃忘前日之言翻然求去使在我

後嗣子孫大不能敬天敬民驕慢肆侈遏絕佚墜文

武光顯可得謂在家而不知乎

朱子曰諸誥多是長句如君奭弗永遠念

天威越我民罔尤違只是一句越只是及罔尤違是總說上天與民之意漢藝文志註謂誥是曉諭民若不速曉則約束不行便是誥辭如此只是欲民易曉

天命不易

音異

天難諶乃其墜命弗克經歷嗣前人恭明

德

天命不易猶詩曰命不易哉命不易保天難諶信乃

其隆失天命者以不能經歷繼嗣前人之恭明德也
吳氏曰弗克恭故不能嗣前人之恭德過佚前人光
故不能嗣前人之明德

在今予小子旦非克有正迪惟前人光施

音世

于我沖子

吳氏曰小子自謙之辭也非克有正亦自謙之辭也
言在今我小子旦非能有所正也凡所開導惟以前
人光大之德使益焜燿而付于沖子而已以前言後
嗣子孫過佚前人光而言也

又曰天不可信我道惟寧王德延天不庸釋于文王受命

又曰者以上文言天命不易天難諶此又申言天不可信故曰又曰天固不可信然在我之道惟以延長武王之德使天不容捨文王所受之命也

新安陳氏曰周公舉

召公前日之言以質之謂君昔已嘗言是其責在我矣周公自術已意謂我亦不敢安於天命而不永遠念天威及我民之無怨尤違背也若果委之而去使我後嗣子孫無所輔助將大不能敬天敬民而至於過佚前人之光顯此時吾等可諉以退老在家而不知乎天命不易保天難諶信恐其墜命者以嗣君涉

歷未深弗能經歷而嗣前人恭明之德故也我非能有正我所啟迪惟以前人光明之德施及於我冲子而已施如詩所謂施于孫子此章大意謂今日天命人心未為固成王經歷未為深所謂輔之以嗣前人之光延長世德凝固天命吾等當留而不當去也此篇語句多有難曉只得其大意可也

公曰君奭我聞在昔成湯既受命時則有若伊尹格于皇天在太甲時則有若保衡在太戊時則有若伊陟臣扈音戶格于上帝巫咸又王家在祖乙時則有若巫賢在武丁時則有若甘盤

時則有若者言當其時有如此人也保衡即伊尹也

見說命太戊太甲之孫伊陟伊尹之子臣扈與湯時
臣扈二人而同名者也巫氏咸名祖乙太戊之孫巫
賢巫咸之子也武丁高宗也甘盤見說命呂氏曰此
章序商六臣之烈蓋勉召公匹休於前人也伊尹佐
湯以聖輔聖其治化與天無間伊陟臣扈之佐太戊
以賢輔賢其治化克厭天心自其徧覆言之謂之天
自其主宰言之謂之帝書或稱天或稱帝各隨所指
非有重輕至此章對言之則聖賢之分而深淺見矣

平咸止言其又王家者咸之為治功在王室精微之
蘊猶有愧於二臣也亡書有咸又四篇其又王家之
實歟平賢甘盤而無指言者意必又次於平咸也

蘇氏曰殷有聖賢之君七此獨言五下文云殷禮陟
配天豈配祀于天者止此五王而其臣偕配食于廟
乎在武丁時不言傳說豈傳說不配食於配天之王

乎其詳不得而聞矣

陳氏曰湯初勝夏已有臣扈湯至太戊百三十年必有臣而名

同也詩有冢父春秋又有家父亦此類復齋董氏曰言甘盤者高宗舊學之臣呂氏曰捨傳說言甘

盤盤源也說委也
言尚父之意

臨川吳氏曰周公舉商家所以能創

業守成中興者皆得大臣為之輔相以見召公未可
去也成湯之時其臣有如伊尹能相湯以格于皇天
湯雖聖亦賴伊尹之助也湯孫太甲之時有臣有如
保衡保衡即伊尹以其保護王躬而天下之事皆取
平焉故曰保衡蓋太甲始立是號以尊伊尹而不名
太甲孫太戊之時則有如伊尹之子陟與臣扈亦能
治王家之事正賢正成子保衡正賢甘盤之下不言
其事蓋無可指定而言者也陳氏雅言曰此周公
叙商六臣之烈以告召公而勉其匹休於前人也伊
尹之佐成湯保衡之佐太甲伊陟臣扈正成之佐太
戊正賢之佐祖乙甘盤之佐武丁雖其君臣有聖賢
之分治化有淺深之異然皆為一代之名臣格皇天
者無間於天之辭與天為一者也又王家者功著於
天之辭與天猶二者也又王家者功著於民之辭召

公於此上比伊尹而無所讓次比伊陟臣扈巫咸而有餘下比巫賢甘盤而遠過之今而求去則殷民反側之未安成王守成之無助寧不愧於商之諸臣者乎此周公所以勉留之意也周公此言雖主於留召公而發非為人物評論然其立言之意抑揚高下自是如此

率惟茲有陳保又有殷故殷禮陟配天多歷年所

陟升遐也言六臣循惟此道有陳列之功以保又有

殷故殷先王終以德配天而享國長久也

葉氏曰以其祭上陟

而配天猶言郊祀后稷以配天宗祀文王於明堂以配上帝唐孔氏曰多歷年之次所

天惟純佑命則商實百姓王人罔不秉德明恤小臣屏

丙音

侯甸矧咸奔走惟茲惟德稱用又厥辟故一人有事于四方若卜筮罔不是孚

佑助也實虛實之實國有人則實孟子言不信仁賢則國空虛是也稱舉也亦秉持之義事征伐會同之類承上章六臣輔君格天致治遂言天佑命有商純一而不雜故商國有人而實內之百官著姓與夫王臣之微者無不秉持其德明致其憂外之小臣與夫藩屏侯甸矧皆奔走服役惟此之故惟德是舉用又

其君故君有事于四方如龜之卜如蓍之筮天下無

不敬信之也

王氏炎曰商大臣事業至於有為而罔不孚今四國多方諄諄告命猶懼不信

召公豈可求去陳氏雅言曰周公言不特上文六臣能有輔君之功天之於商其佑命之也純一而不

二故商國賢才衆多而能實言國以有人為實也是以當時在內則大而百官著姓小而王臣之微莫不

秉德明恤此其在內者之皆賢也在外則微而小臣大而藩屏侯甸者又莫不奔走服役此其在內者之

皆賢也惟天佑命之純之故故君之用人惟有德者是舉而此衆賢之多皆能治君之事以與君共理也

是則商之賢才登庸無間內外其衆多如此羣臣有輔君之功故君有化民之效一人有所命令於天下

天下之民如敬聽於卜筮而無不孚信也周公此言意謂商賢聖之君其始以得五六大臣佐佑之助故

能得天佐命之純是以衆賢維時而出無內外大小之閒明商之得人實由於五六大臣之得人也周公此意政欲召公知吾二人其進退係於國體者如此豈可以盛滿難居為懼而果於求退也

公曰君奭天壽平格保乂有殷有殷嗣天滅威今汝永念則有固命厥亂明我新造邦

呂氏曰坦然無私之謂平格者通徹三極而無間者也天無私壽惟至平通格于天者則壽之伊尹而下六臣能盡平格之實故能保乂有殷多歷年所至于殷紂亦嗣天位乃驟罹滅亡之威天曾不私壽之也

固命者不墜之天命也今召公勉為周家久永之念

則有天之固命其治效亦赫然明著於我新造之邦

而身與國俱顯矣

孔氏曰言天壽有平至之君故安治有殷殷嗣子紂不能平至天滅

亡加之有威今汝長念平至者安治反是者滅亡以為法戒則有堅固之命其治理足以明我新成國矣

臨川吳氏曰平格謂無一事不與天通者也心通乎天必得其壽伊尹而下六臣能相其君以平格于

天故能保人有殷多歷年所至于殷紂亦嗣天位乃驟罹滅亡之威天不壽之者何哉蓋無賢臣輔之以

格于天故爾今汝永念及此則我周可有堅固不墜之命其能常治而顯明我新造之周邦歟

公曰君奭在昔上帝劓申勸寧王之德其集大命于厥

躬

申重勸勉也在昔上帝降割于殷申勸武王之德而

集大命於其身使有天下也

新安陳氏曰寧王孔詒以為文王蔡傳以為武

王果武王也則下接惟文王尚克修和我有夏必有缺文矣

惟文王尚克修和我有夏亦惟有若虢叔有若閼

音弘天

有若散

上聲

宜生有若泰顛有若南宮括

虢叔文王弟閼散泰南宮皆氏天宜生顛括皆名言

文王庶幾能修治變和我所有諸夏者亦惟有虢叔

等五臣為之輔也康誥言一二邦以修無逸言用咸和萬民即文王修和之實也

又曰無能往來茲迪彛教文王蔑

滅音

德降于國人

蔑無也夏氏曰周公前既言文王之興本此五臣故又反前意而言曰若此五臣者不能為文王往來奔走於此導迪其常教則文王亦無德降及於國人矣周公反覆以明其意故以又曰更端發之

亦惟純佑秉德迪知天威乃惟時昭文王迪見

音現冒傳同

聞于上帝惟時受有殷命哉

言文王有此五臣者故亦如殷為天純佑命百姓王

人罔不秉德也上既反言文王若無此五臣為

去聲迪

彛教則亦無德下及國人故此又正言亦惟天乃純

佑文王蓋以如是秉德之臣蹈履至到實知天威以

是昭明文王啟迪其德使著見於上覆

敷救反下章同

冒於

下而升聞于上帝惟是之故遂能受有殷之天命也

新安陳氏曰此言以文王之聖猶不可無五臣之助也陳氏雅言曰亦惟純佑者即上章天惟純佑命

之謂也。秉德迪知天威，乃惟時昭文王迪，見冒聞于上帝者，即上章罔不秉德明恤，惟茲惟德稱用，又厥辟之意也。上章言商賢聖之君，皆已受天命之君也。故以一人有事於四方，若卜筮罔不是孚，言之言其效足以化民也。此言文王始受天命之君也。故以惟時受有殷命哉。言之言其效有以得於天也。周公言此意，謂文王得此五臣之助，亦如商之衆君得上六臣之助。五臣之輔周，無異於六臣之輔商。故佑命之純於周，無異於昔之純於商也。天眷厚而賢才衆多者，蓋以大臣之德有以契於天，故其道有以顯其君。賢臣輔而君德修著，不惟其君之德有以被於時，而其極有以格夫天，是則文王之所以受有殷命之故。雖文王之德也，亦五臣之助也。周公此言主於留召公，故皆歸重於臣之辭。召公縱不以商之六臣為念，獨不以周之五臣為意乎？

武王惟茲四人尚迪有祿後暨武王誕將天威咸劉厥敵惟茲四人昭武王惟冒丕單稱德

虢叔先死故曰四人劉殺也單盡也武王惟此四人

庶幾

平聲

迪有天祿其後暨武王盡殺其敵惟此四人

能昭武王遂覆冒天下天下大盡稱武王之德謂其達聲教于四海也文王冒西土而已丕單稱德惟武王為然於文王言命於武王言祿者文王但受天命至武王方富有天下也呂氏曰師尚父之事文武烈

莫盛焉不與

音預

五臣之列蓋一時議論或詳或略隨

意而言主於留召公而非欲為人物評也

新安陳氏曰此言以

武王之聖猶不可無四臣之助也上言殷先生猶有賴於六臣此二章言周文武猶有賴於五臣四臣召

公可不鑒之而遽求去乎留之之意切矣陳氏雅言曰武以定亂文以致治武王之興皆賴此四臣之

功也四臣之才德兼全志慮中正出之可以為將入之可以為相無所不可於此可見其即立政所謂義

德容德之士也輟林川吳氏曰林氏云文武佐命元功多矣獨稱號叔等五人者豈其逮事王季遂及

文武耶伊尹事湯又事太甲伊陟乃尹子臣扈非湯舊臣即殷世臣巫咸巫賢世為大臣甘盤小乙舊臣

以遺武丁周公所舉皆世臣舊德故武丁世不及傳說文武世不及太公今周公與召公正如殷之六臣

文武之五臣
豈可去乎

今在予小子旦若游大川予往暨汝奭其濟小子同未
在位誕無我責收罔最不及考造德不降我則鳴鳥不
聞矧曰其有能格

小子旦自謙之稱也浮水曰游周公言承文武之業
懼不克濟若浮大川罔知津涯豈能獨濟哉予往與
汝召公其共濟可也小子成王也成王幼冲雖已即
位與未即位同誕大也大無我責上疑有缺文收罔

最不及未詳考造德不降言召公去則耆老成人之
德不下於民在郊之鳳將不復得聞其鳴矣況敢言
進此而有感格乎是時周方隆盛鳴鳳在郊卷音阿

鳴于高岡者乃詠其實故周公云爾也

夏氏曰大無盡責於我一

人

息齋余氏曰

召公若收斂退藏罔

勗勉成王之

所不逮亦通

張子曰耆造德降則民誠和而鳳可

致故鳴鳥聞所以為和氣之應也

王氏炎曰文王

之興鳳鳴岐山為周受命之符召公苟去罔不能如

五臣輔文王以聞

鳴鳳之祥況能如伊陟臣扈之格

天格帝乎孔氏曰我往與汝爽其共濟渡成王

新安陳氏曰大無專責於我召公苟收斂退藏不勉

王所不及以老成之德自居我恐鳴鳳之祥不復聞

矣況曰其有能如古人之格天格帝乎然此等
句實聲牙難通唯挽留召公之意猶可認耳

公曰嗚呼君肆其監于茲我受命無疆惟休亦大惟艱
告君乃猷裕我不以後人迷

肆大猷謀也茲指上文所言周公歎息欲召公大監
視上文所陳也我文武受命固有無疆之美矣然迹
其積累呂音締造蓋亦艱難之大者不可不相與
丁計反

竭力保守之也告君謀所以寬裕之道勿狹隘求去
我不欲後人迷惑而失道也 呂氏曰大臣之位百

責所萃震撼擊撞欲其鎮定辛甘燥濕欲其調齊

才詣

反槃錯勢

紛音

結欲其解紓

紓音

黯闇

暗音

汚

烏音

濁欲其茹

納自非曠度洪量

亮音

與夫

扶音

患失乾

干音

沒

史記張湯為小吏乾

沒註謂隨勢浮沈也

者未嘗無翩然捨去之意況召公親遭大

變破斧缺斨

音牆

之時屈折調護心勞力瘁又非平時

大臣之比顧以成王未親政不敢乞身爾一旦政柄

有歸浩然去志固人情之所必至然思文武王業之

艱難念成王守成之無助則召公義未可去也今乃

汲汲然求去之不暇其迫切已甚矣蓋謀所以寬裕

之道圖功攸終展布四體為久大規模使君德開明

未可捨去而聽後人之迷惑也

鄭氏曰召公不悅似隘急故令謀於寬裕

呂氏曰周公自言我終不獨善而使後人迷惑自言所以不去者以勉召公也

謂欲使後人嗣前人恭明德不至於過佚前人光也新安陳氏曰不以後人迷如其君霸以其君顯

之以留而明保放迪成王是不以後人迷也去而聽其迷惑是以後人迷也

公曰前人數乃心乃悉命汝作汝民極曰汝明勗偶王

在亶乘茲大命惟文王德丕承無疆之恤

偶配也蘇氏曰周公與召公同受武王顧命輔成王
故周公言前人數乃心腹以命汝召公位三公以為
民極且曰汝當明勉輔孺子如耕之有偶也在於相
信如車之有馭也并力一心以載天命念文考之舊
德以丕承無疆之憂武王之言如此而可以去乎

張氏

曰臣者君之偶如婦者夫之偶 陳氏曰乘載也猶負荷也 呂氏曰命作民極置之具瞻以為民極也其命之辭則曰汝明明勉勵以偶配輔佐後王命之大如此在今當寬誠以乘載此大命不可失墜今而遽去是墜此命非乘此命矣又欲其追念文王眷遇之德為我周大受無窮之憂責洛誥周公之復留實

以文武之故今召公欲去周公復舉文武以感動之

公曰君告汝朕允保奭其汝克敬以予監于殷喪

去聲

否

部鄙反

肆念我天威

大否大亂也告汝以我之誠呼其官而名之言汝能

敬以我所言監視殷之喪亡大亂可不大念我天威

之可畏乎

西山真氏曰周公言天威曰肆念我天威蓋天在我而不在外此心少有不存則是

不念天威矣豈必求之外乎新安陳氏曰我天威如召誥言我受天命大臣與國同體天命天威皆以

我負荷之不敢以不切已視之也

予不允惟若茲詰予惟曰襄我二人汝有合哉言曰在
時二人天休滋至惟時二人弗戡其汝克敬德明我俊
民在讓後人于丕時

戡勝

升音

也戡堪古通用周公言我不信於人而若此

告語

去聲

乎予惟曰王業之成在我與汝而已汝聞我

言而有合哉亦曰在是二人但天休滋至惟是我二
人將不堪勝汝告以盈滿為懼則當能自敬德益加
寅畏明揚俊民布列庶位以盡大臣之職業以答滋

至之天休毋徒惴惴而欲去為也他日在汝推遜後

人于大盛之時超然肥遯誰復扶又汝禁今豈汝辭

位之時乎

朱子曰襄我二人周公自謂已與召公王氏曰大臣之善在乎能讓讓則推賢揚

善而無妨功害能此所以能明俊民陳氏經曰今時未至盛大未有賢俊可讓召公未可去也大臣進退常以得人為慮有賢者可以讓則身可以退蕭何且死必引曹參管仲不能薦賢所以不免於議也

嗚呼篤渠時二人我式克至于今日休我咸成大王功
于不怠丕冒海隅出日罔不率俾

周公復

扶又反

歎息言篤於輔君者是我二人我用能

至于今日休盛然我欲與召公共成文王功業于不
怠大覆冒斯民使海隅日出之地無不臣服然後可
也周都西土去東為遠故以日出言吳氏曰周公未

嘗有其功以其留召公故言之蓋叙其所已然而勉

其所未至亦人所說

音悅

而從者也

蘇氏曰以我二人厚輔之故周室乃

有今日之休然今日之休未可以為足也惟至於日
月所照莫不率服乃已耳陳氏大猷曰伐淮夷踐

奄在此書後可見當時未能罔不率俾也右二章以
文武留召公也新安陳氏曰告汝朕允與予不允

惟若茲誥下文予不惠若茲多誥語皆相應告汝皆
我允信之心也我豈不信而惟若此誥語乎我豈不

相惠順而若此多詰乎未謂今日之休不可恃前人
之功所當終必極天所覆日之所照皆臣服然後文
王之功方可以成言我與汝當同任其責而咸成之
惟不倦可以成終召公殆未可去也前以商六臣周
五臣四臣留之末以文武與身留之諄切至此召公
得不留哉陳氏雅言曰是時洛邑既宅頑民既遷
有卷阿鳳凰之歌有既醉鳧鷖之雅謂之今日休宜
矣然而淮夷未滅西奄未踐東夷未伐肅慎氏未來
謂之我咸成文王功于不急召公得不留意哉吳氏
之言可謂深達周公之心而善達人情之論者矣

公曰君子不惠若茲多詰予惟用閔于天越民

周公言我不順於理而若茲諄復之多詰耶予惟用
憂天命之不終及斯民之無賴也韓子言畏天命而

悲人窮亦此意前言若茲誥故此言若茲多誥周公

之告召公其言語之際亦可悲矣

夏氏曰天命難諶民心難保大臣去

留繫天命之從違民心之向背今召公欲去實周公之憂也

陳氏大猷曰召公去則天命將替民生失

所此周公所閔也

公曰嗚呼君惟乃知民德亦罔不能厥初惟其終祇若

茲往敬用治

上章言天命民心而民心又天命之本也故卒章專

言民德以終之周公歎息謂召公踐歷諳

烏含練之反

久惟汝知民之德民德謂民心之嚮順亦罔不能其
初今日固罔尤違矣當思其終則民之難保者尤可
畏也其祇順此誥往敬用治不可忽也此召公已留

周公飭遣就職之辭厥後召公既相

去聲下同

成王又相

康王再世猶未釋其政有味於周公之言也夫

張氏曰召

公初輔成王有始矣而求去不能終也

董氏鼎曰

一書之中首言憂國之心非人所知次言天命可畏

惟人是賴又次言殷先王與我文武得人之助然文

王時五人至武王時四人今又惟我二人而已君若

求去豈我一人所能戡哉憂之深是以留之切留之

切是以言之詳召公同功一體之人均有忠君愛君

之心者也。必得不油然而感。幡然而留哉。新安陳氏曰。鑑誥。聲牙君爽。尤甚多不可解。惟留召公之意。可想耳。姑采衆說之略通者。而缺其不可通者可也。

蔡仲之命

蔡國名仲字蔡叔之子也。叔沒。周公以仲賢。命諸成王復封之。蔡此其誥命之詞也。今文無古文有。按此篇次序當在洛誥之前。

惟周公位冢宰。正百工。羣叔流言。乃致辟管叔于商。囚蔡叔于郭鄰。以車七乘。去聲降霍叔于庶人。三年不齒。蔡

仲克庸祗德周公以為卿士叔卒乃命諸王邦之蔡

周公位冢宰正百工武王崩時也郭鄰孔氏曰中國之外地名蘇氏曰郭號也周禮六遂五家為鄰管霍

國名武王崩成王幼周公居冢宰百官總已以聽者

古今之通道也當是時三叔以主少去聲國疑乘商人

之不靖謂可惑以非義遂相與流言倡亂以搖之是

豈周公一身之利害乃欲傾覆社稷塗炭生靈天討

所加非周公所得已也故致辟管叔于商致辟云者

誅戮之也。因蔡叔于郭鄰，以車七乘。因云者，制其出

入而猶從。

去聲

以七乘之車也。降霍叔于庶人，三年不

齒。三年之後，方齒錄以復其國也。三叔刑罰之輕重

因其罪之大小而已。仲叔之子克常敬德，周公以為

卿士。叔卒，乃命之成王而封之蔡也。周公留佐成王

食邑於圻內畿內諸侯。孟仲二卿故周公用仲為卿

非魯之卿也。蔡左傳在淮汝之間，仲不別封而命邦

之蔡者，所以不絕叔於蔡也。封仲以他國，則絕叔于

蔡矣呂氏曰象欲殺舜舜在側微其害止於一身故舜得遂其友愛之心周公之位則繫于天下國家雖欲遂友愛於三叔不可得也舜與周公易地皆然史臣先書惟周公位冢宰正百工而繼以羣叔流言所以結正三叔之罪也後言蔡仲克庸祇德周公以為卿士叔卒即命之王以為諸侯以見周公感然於三叔之刑幸仲克庸祇德則亟擢用分封之也吳氏曰此所謂冢宰正百工與詩所謂攝政皆在成王諒闇

音梁庵

之時非以幼冲而攝而其攝也不過位冢宰之

位而已亦非如荀卿所謂攝天子位之事也三年之

喪二十五月而畢方其畢時周公固未嘗攝亦非有

七年而後還政之事也百官總己以聽冢宰未知其

所從始如殷之高宗已然不特周公行之此皆論周

公者所當先知也

問周公誅管蔡自公義言之其心固正大直截自私恩言之其情終

有不自滿處所以孟子謂周公之過不亦宜乎朱子曰是恁地豈得已為此哉莫到恁地較好看周公當初做這一事也大段踈脱他也看那兄弟不過怕武庚叛故遣管蔡霍去監他為其至親可恃不知他反

去與那武庚同作一黨不知如何紂出得箇兒子也
 恁地狡猾想見他當時日夜去炒那管叔說道周公
 是你弟今却欲篡為天子汝是兄今却只恁地管叔
 被他炒得心熱他性又急所以便發出這件事來李
 堯卿問是時可調護莫殺否曰他已叛只得殺如何
 調護得蔡叔霍叔性較慢罪較輕所以只囚于郭鄰
 降于庶人想見當時被管叔做出這事來騷動許多
 百姓想見也怕人鷄鷄既取我子無毀我室當
 是時也是被他害得猛又問曰周公也豈不知管叔
 狡猾但當時於義不得不封他曰看來不是狡猾只
 是欺子周公使三叔監殷他却與武庚叛此是一段
 大疎脫事若當時不便平息得模樣做出西晉初年
 時事想見武庚日夜去說誘三叔以為周公弟也却
 在周作宰相管叔凡也却去監商故管叔生起不肖
 之心如此史記武王同母兄弟十人長伯邑考次
 武王次管叔鮮次周公次蔡叔度次霍叔處孔氏

曰蔡仲能用敬德稱其賢也明王之法誅父用子言
至公也叔之所封圻內之蔡仲之所封淮汝之間圻
內之蔡名已滅故取其名以名新國欲其戒之唐
孔氏曰管在滎陽京縣東北不立管叔之後者罪重
或無子或有而不賢也杜預曰武王封叔度於汝南
上蔡胡徙新蔡昭侯徙九江下蔡圻內蔡地不知所
在張氏震曰象得罪於舜安得不貸之以恩管叔
得罪於周安得不斷之以義霍叔不絕其身蔡叔不
絕其子而管叔獨不免誅絕恩與義並行而不悖也
林氏曰蔡叔有罪則囚之不以弟而私蔡仲賢而
封之不以父而棄葉氏曰舜殛鯀而興禹周公囚
蔡叔而命仲一也魏氏了翁曰左傳定公四年云
蔡仲改行率德周公舉之以為已卿士已字極好玩
味可見周公大聖人蔡叔有罪而囚之有子仲祇德
則以為已卿士真與天地同其大也蘇氏曰蔡叔
未卒仲無君國之理崩殯在而輒立衛所以亂所以

封仲必在叔
卒之後也

王若曰小子胡惟爾率德改行

胡孟反

克慎厥猷肆予命

爾侯于東土往即乃封敬哉

胡仲名言仲循祖文王之德改父蔡叔之行能謹其道故我命汝為侯於東土往就汝所封之國其敬之哉呂氏曰敬哉者欲其無失此心也命書之辭雖稱成王實周公之意

爾尚蓋前人之愆惟忠惟孝爾乃邁迹自身克勤無怠

以垂憲乃後率乃祖文王之彛訓無若爾考之違王命
蔡叔之罪在於不忠不孝故仲能掩前人之愆者惟
在於忠孝而已叔違王命仲無所因故曰邁迹自身
克勤無怠所謂自身也垂憲乃後所謂邁迹也率乃
祖文王之彛訓無若爾考之違王命上文所謂率德

改行也

呂氏曰子之新善著則父之舊愆庶乎可掩蔡叔之惡既無以貽子孫仲乃一國始封之

祖創業垂統之責繫焉盍進其步武自我作古克勤無怠以垂法於後斯須之急則流弊或在於數百年後不可不謹其源也張氏曰邁迹自身謂生於羣叔之間而能脫身自立為善陳氏傳良曰舜命禹

未嘗戒以繇周公命微子未嘗及武庚今命仲而尤其父者於越人疏之於其凡戚之也父子兄弟之間猶有諱而不敢盡言是愈疎矣成王於仲親親之道也有禹故繇得以郊有安世延年故張湯杜周得不列於酷吏蔡仲在人其謂叔曰幸哉有子如此歟故曰蓋前人之愆西山真氏曰按書蔡仲之命爾尚蓋前人之愆惟忠惟孝人子不幸如大禹之承繇蔡仲之承蔡叔又當思所以蓋之故治水成功而繇配夏郊率德改行而蔡叔世祀豈非孝之大乎後世如沈充叛臣也其子勁以死節著李義甫姦臣也其子湛以忠義聞若勁與湛可謂能蓋其父之愆矣新安陳氏曰子能改父之惡而為善則孝矣為子而孝斯為臣而忠古人云求忠臣於孝子之門是惟忠本於惟孝也克勤無怠以垂憲乃後即所謂邁迹自身此一語不必分也

皇天無親惟德是輔民心無常惟惠之懷為善不同同歸于治為惡不同同歸于亂爾其戒哉

此章與伊尹申誥太甲之言相類而有深淺不同者太甲蔡仲之有間去聲也善固一端而無不可行之

善惡亦不一端而無可為之惡爾其可不戒之哉

慎厥初惟厥終終以不困不惟厥終終以困窮

惟思也窮困之極也思其終者所以謹其初也

呂氏曰建

國之始必審其始而思其終終始具舉然後可久可大而不至於困徒謹初而不思其終則終必困窮雖

憊然憂懼無益也語以謹始而即教以應終竭兩端之教也陳氏大猷曰仲率德改行能謹初矣尤當

克勤無怠是在於惟厥終也張氏曰感激者多銳於初而怠於終

懋乃攸績睦乃四鄰以蕃王室以和兄弟康濟小民

勉汝所立之功親汝四鄰之國蕃屏

音丙

王家和協同

姓康濟小民五者諸侯職之所當盡也

陳氏雅言曰此成王命蔡

仲為諸侯傳云五者諸侯職之所當盡也所謂盡一以告之亦以見侯職之所當盡者不一而足也

率自中無作聰明亂舊章詳乃視聽罔以側言改厥度

則予一人汝嘉

率循也無母同詳審也中者心之理而無過不及之
差者也舊章者先王之成法厥度者吾身之法度皆
中之所出者作聰明則喜怒好惡並去聲皆出於私而

非中矣其能不亂先王之舊章乎戒其本於已者然
也側言一偏之言也視聽不審惑於一偏之說則非
中矣其能不改吾身之法度乎戒其徇於人者然也
仲能戒是則我一人汝嘉矣呂氏曰作聰明者非天

之聰明特沾沾

音詹輕貌

小智耳作與不作而天人判

馬

陳氏經曰舊章法度皆中之所寓度即舊章也舊章則已然之法度則當然之制無非中也周公慮

仲懲創乃父之愆用意過當反以生事為奇故有此戒呂氏曰舊章往往不與新進喜事者合故作聰明者尤欲亂之聽覽不貴於速而貴於詳迎刃立決見事風生宜若可喜然忽略疎快動皆愆尤讒說姦言每乘其勿遽而入之惟詳其視聽安徐審訂表裏畢陳側媚之言將不得售故詳者乃聽覽之大法也規矩準度未至於樂循理者則常若為其繫維側言乃解其繫維而縱之放逸之場者故從之也蔡仲以英妙之年任國事周公老成深慮故戒如此陳氏大猷曰舊章常度則中道所存內不變於己之私智外不惑於人之私言則中道合而侯職盡矣陳氏雅言曰中者人心所同有之理成王之命蔡仲時欲率之而已舊章法度皆中之理所寓能遵夫舊章守夫法度則不替於已然之法不廢其當然之制無非

中也苟不循聰明之自然則矜肆之心生未免有非
古之愆此非能率中者也不審視聽之間則一偏之
言易入未免有敗常之愆亦非能率中者也故必循
其聰明之自然而不至於妄作則有所守而內無所
恃孰肯非古是今而亂先王之典章乎審於視聽之
際而不至於或苟則公心益持而私意不奪孰肯從
欲背理而更其常行之法度乎內外不變則中道合
而侯職盡成王之於蔡仲勉之者未幾而戒之者隨
也至


王曰嗚呼小子胡汝往哉無荒棄朕命

飭往就國戒其毋廢棄我命汝所言也

董氏鼎曰此篇大體與微

子之命相似而微子之辭溫厚蔡仲之辭嚴厲蓋微
子先代之後周賓而不臣又本賢人也蔡仲父為不

道忠孝兩虧已無足法所望仲能率祖德改父行邁
迹自身以垂憲乃後耳益以拳拳圖終之說且戒之
以無亂舊章無改法度
以同歸于亂嗚呼仁哉



書經大全卷八